

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa
- Imm. 03** Ataatsimiititaliani siulittaasut nalunaarutaat
- Aningaasaqarnermut tunngasut**
- Imm. 04** Immikkut aningaasaliissutinik qinnuteqaat - Atuartut angerlarsimaffiat Maniitsoq
- Suliassat nalinginnaasut**
- Imm. 05** Oqaluuserisassatut siunnersuut - Piniartut Kangerlussuarmi inissaqarniarnerat
- Imm. 06** Oqaluuserisassatut siunnersuut – Sisimiuni umiatsiaqqanut sulliviup pitsanngorsarneqarnissaa *Malinnaatinneqassaaq!*
- Imm. 07** Imeq mingunnikumut maleruaqqusap akuersissutiginera
- Imm. 08** Aasivissuit-Nipisat UNESCO-p nunarsuarmioqatigiinnut kingornussassanngortinneqarnissaanut qinnuteqaat ingerlatsinermullu pilersaarut
- Imm. 09** Sisimiut Kangerlussuullu akornanni aqqutissaq (ATV-nut aqqutissaq)
- Imm. 10** Kangerlussuarmi nutaamik umiarsualivittaarnissaq pillugu kommunimi pilersaarusiornermut tapiliussassatut siunnersuut
- Imm. 11** Itillip kujataatungaani inuilaami takornariaqartitsinissamut akuerineqarsinnaanermut kommunip pilersaarusiorneqarnerani tapiliussaq nr. 28-p akuersissutigineqarnissaa
- Imm. 12** Ataatsimiititaliami ilaasortamik nutaanik sinniisussanillu toqqaaneq
- Imm. 13** Aningaasaqarnermut ataatsimiititaliap kommunalbestyrelsillu 2017-imi april ilanngullugu ataatsimiiffissaannut siunnersuutit
- Paasissutissiissutit**
- Imm. 14** Sisimiuni angerlarsimaffeqanngitsut
- Imm. 15** 2016-mi pitsaassuseq pillugu atuarfiit nalunaarusiaat
- Imm. 16** Immikkoortortani pisortat, perorsaanikkut siunnersortit / ataqatigiissaarisut aammalu Ilinniartitaanermut Aqutsisoqarfiup Meeqqerivitsialak pillugu 2016-imi septembarip 27-aniit 30-ata tungaanut suliat pillugit ataatsimiinnerannit paasissutissiineq

Imm. 17 Kommunalbestyrelsimut ilaasortap Agathe Fontain-ip sulinngiffeqarnissaminik qinnuteqaataa

Imm. 18 Tamalaat

**Imm. 01 Oqaluuserisassat akuersissutigineri
Aalajangiineq**

**Imm. 02 Borgmesterip nalunaarutaa
Aalajangiineq**

**Imm. 03 Ataatsimiititaliani siulittaasut nalunaarutaat
Aalajangiineq**

Imm. 04 Immikkut aningaasaliissutinik qinnuteqaat - Atuartut angerlarsimaffiat Maniitsoq

Journalnr. 06.02.01

Tunuliaqutaq

Ilinniartitaanermut immikkoortortaqaarfimmi aqutsisunut ernumassuteqarluni allakkiamik (ilanngussaq 1) 2016-imi juunip 13-ani Qeqqani Misi allagaqaateqarpoq, nunaqarfinni atuartut ilinniarnernanni atuilluartuuneq pineqarluni: "sulisunut atuarfimmullu nikallorsaaatasut maluginiarpavut. Minikollegiet-imi sulisut naapertorlugit tassaalluni, sulisoq nakkutilliisoq unnuakkut nal. 02.00 anisorlu, inuusuttut ilaat illoqarfiliarlutik anisartut. Tamatuma kinguneraa, inuusuttut taakku kingusissukkut innartartut, tamatumalu kingunerivaattaq akunnerni arlalinniit ullunut arlalinnut sivisussuseqartumik atuanngitsoortarnerit. Piffissami tassanittaaq inuusuttut imigassartorsinnaapput imaluunniit ikiaroorartumik hash-imik pujortarsinnaasut, tamannalu aamma ernumananngitsuunngilaq.

Atuarfimmit uppersarnerqarpoq, inuusuttut Minikollegiet-mi najugaqartut arlaleriarlutik inortuisartut, taamatullu atuanngitsoortartut, tamannalu ajornartorsiutitut isigineqartoq. Inuusuttut atuartussaataitanermi atuartinneqarnissaminnik naammassinninngittarnerat aamma ernumanarpoq."

Atuartut angerlarsimaffiani perorsaasunik marlunnik atorfinitsitsinissaq, Ilinniartitaanermut immikkoortortamit missingersuutitigut kissaatigineqarpoq, kissaatinilli pingaarnersiuiinermi kissaatigineqartoq ilanngunneqanngilaq. Atuartut angerlarsimaffii pillugit kommuninut allanut apersuinerup takutippaa, ukiuni kingullerni kommunini allani atuartut angerlarsimaffiini ulloq unnuarlu nakkutilliisoqarneq sulissutigisimagaat.

Maleruagassatigut tunngavigisat

Atuarfik pillugu Inatsisartut inatsisaat nr. 15, 3. december 2012-imeersoq.

§ 25. Atuartut tamarmik inatsit manna malillugu atuartitaanissamik neqeroorfigineqarnissaat qulakkeerumallugu, pisariaqartitsineq naapertorlugu atuartunut angerlarsimaffiit aamma atuartunut inissiat atuarfinnut pioreersunut atasut pilersinneqassapput.

Imm. 2. Atuartut angerlarsimaffiinut inissiineq angajoqqaat, tak. § 34, qinnuteqarnerat tunngavigalugu aamma atuartup atuarfiullu isumasioqatigeereernerisigut pisassaaq.

Pissutsit atuuttut

Qeqqata Kommuniani atuartunut angerlarsimaffinni init 17-iupput, init ilaat ataatsimoortillugit ineqartunut marlunnut ilusilersorneqarsimapput. Ukioq atuarfiusumi 2016/17-imi ineqartut taamaallaat 13-iupput.

Eqitsimmi takuneqarsinnaavoq ukiuni atuarfiusuni siuliini ineqartut amerlassusaat.

	Aggustimi aallartittut	Juunimi naammassisut	Naammassinnittartut procentinngorlugit:
Ukioq atuarfiusoq 2012/13	23	12	52 %
Ukioq atuarfiusoq 2013/14	19	8	42 %
Ukioq atuarfiusoq 2014/15	15	8	53 %
Ukioq atuarfiusoq 2015/16	16	10	62 %
Ukioq atuarfiusoq 2016/17	13		

Eqitsit 1 Naammassinnittartut procentinngorlugit

2012-imi aggustimi, tassa ukiut sisamat matuma siorna atuartut angerlarsimaffianut nuuttunut sanilliullugu, 2016-imi aggustimi Qeqqata Kommuniani atuartut angerlarsimaffianut atuartut nuuttunut 43,5 procentimik appariaateqartut kisitsisit takutippaat. Kisitsisitigut takuneqarsinnaavortaaq, atuarnerminnik naammassinnittartut procentia, ukiunut siuliinut sanilliullugu 2016-imi juunimi qaffariaateqartoq.

Atuartut angerlarsimaffiani najugaqarsinnaanermut piumasaqaataavoq, ilaquataasut Qeqqata Kommuniani nunaqarfinni sisamaasut ilaanni najugaqassasut kiisalu nunaqarfimmi meeqqat atuarfii taamaallaat 8. klassi tikillugu atuartitsisinnaasut. Ilaquataasut nunaqarfimmit nuuppata, taava meeraasoq atuartut angerlarsimaffianit aamma nuutsinneqassaaq. Uniinnartarnermut nuuttarnerit aamma patsisaaqataapput.

	Nammineq angerlarneq	Ilaquataasut nuunnerat	Angerlartitaaneq
Ukioq atuarfiusoq 2012/13	3	0	8
Ukioq atuarfiusoq 2013/14	4	3	4
Ukioq atuarfiusoq 2014/15	3	3	1
Ukioq atuarfiusoq 2015/16	2	3	1

Eqitsit 2 Uniinnartarnermut patsisaasut

Eqitsit 2-p takutippaa, arlaqartut ilaquattatik peqatigalugit nuuttartut, ilaqarporli aamma nammineerlutik angerlarusuttut, soorlulu amerlanerusut angerlartitaasartut. Angerlartitaanermut patsisaasarput, ikiaroorartumik atuineq, nakuuserneq serlersaarinerlu kiisalu inuttut ilaquariinnermilu ajornartorsiutit.

Atuartut angerlarsimaffianut maannakkut sulisut perorsaasunut tallimanut (pisortaq ataaseq tullersortaasorlu ataaseq ilanngutereerlugit) amerlassusiligaavoq kiisalu igaffimmi pisortaq ataaseq. Igaffimmi maannakkut ataatsimik piginnaanngorsartoqarpoq. Sulisut paarlakaajaallutik sapaatip akunneranut akunnerni 40-ni sulisarput. Ataasinngornermiit tallimanngornermut atuartut angerlarsimaffiani sulisoqartarpoq nal. 7.00-miit, ataasinngornermiit sisamanngornerup tungaanut

atuartut angerlarsimaffianni sulisoqartarluni unnuaqeqqata tungaanut. Arfininngornermiit sapaammut ullaakkut aqqanerniit sulisoqartarpoq, sulisullu tallimanngornerup arfininngornerullu unnuaaani nal. 2.00 anisarlutik. Suliffissat ilaqutariinnut naapertuutinnigillat, soraarnermullu patsisaasartut tamakku ilagisarpaat, tassa sulisoq nukangasunik meeraqarsimatillugu.

Eqitsit 2-p takutippaattaaq, Atuarfik Kilaaseeraq taamatullu atuartut angerlarsimaffiat atuartunik suliatigut inooqatigiinnikkullu pisariaqartitsisunik tigusaqartartut. Taamaakkaluatorli atuarfik atuartunullu angerlarsimaffik taamaattunik tigusinissaminut piginnaasaqanngitsut. Assersuutigalugu najugaqalersut ilaat ikiaroorartumik atuisuulereerlutik nuuttarput, taakkuullutillu unnuakkut sulisoq asoorpat anisartut, naak iliuusissat pilersaarummi allassimagaluartoq, atuareernerup kingorna atuartut angerlarsimaffianiiginnartussaasut. Taamaangippat unnuakkut eqqumallutik najugaqatiminnik, atuarnerminnik paarserusuttunik ajoqusersuisartut.

2016-imiinnaq sulisut sisamat assigiinngitsunik patsiseqarlutik soraarnikuupput. Taamaalluni Ilinniartitaanermut immikkoortorta q perorsaasutut atorfinnut arfineq-pingasunik sulisussarsiorsimavoq, affai allagarsiuuteqqitaallutik. Allagarsiusseqqinneq qinnuteqartut ikippallaarnerat imaluunniit qinnuteqarsimasut oqaloqatigineqarnissaannik saaffigineqarnerminni allamik suliffittaareersimanerat patsisaallutik ingerlanneqartarput. Maannamut perorsaasutut atorfiit marluk aappasaaneerlutik allagarsiuuteqqinneqarput, ataavartumillu atorfinitsitsinissap tungaanut atuartut angerlarsimaffiat paarlatsinik atorfinitsitsisariaqarsimalluni.

Unnuarsiortussatut atorfinnik ataatsimik affarmillu pilersitsinermi, taamaalluni atuartut angerlarsimaffiani unnuakkut pigaartoqalernerup aammalu eqqissisimanerusunik najugaqartuuteqalernerup kingunerissavaa, perorsaasut atuartut angerlarsimaffianut sulilernissaminnik orniginarnerulersissagaat.

Atuilluartuunissakkut kingunerisinnaasai

Atuartut illoqarfimmeeraluarunik nunaqarfimmeeraluarunilluunniit sapinggisamik amerlanerpaat 10. klassi naammassillugu soraarummeersinneqarnissaat atuilluartuuvoq.

Aningaasaqarnikkut allaffissornikkullu kingunerisinnaasai

Perorsaasut piumaneqarluuqisut pigaartutut atorfimmik qinnuteqarnissaat qularnarpoq. Pigaartorli isumaginninnermik ikiortitit ilinniarsimanissaa kissaatiginarpoq, taamaalluni inuusuttut pisariaqartitsinerini oqaloqatiginnissinnaassalluni.

Isumaginninnermik ikiortimut ukiumut akissaatit 266.344 koruuniupput, tapit, sulinngiffeqarneq pension-illu ilanngutereerlugit. Taamaalluni pigaartunut ataatsimut affarmullu ukiumut aningaasartuutit 400.000 koruuniussapput.

Sinaakkutaasut iluini aningaasat Ilinniartitaanermut immikkoortortamit nassaarineqarsinnaanngimmata, 2017-imi ukiunilu missiluiteqarfiusuni immikkut aningaasaliisoqarnissaa pisariaqarpoq.

Allaffeqarfiup naliliinera

Atuartunut angerlarsimaffiup siunissaa pillugu ataatsimiititaliaq eqqartuisariaqarpoq, eqqartuinnermi najugaqartut ikiliartorneratigut maanna pissutsit aallaavigineqarlutik, atuartut angerlarsimaffianit uniinnartut amerliartorput sulisoqarniarnikkullu ajornartorsiortoqarluni. Angajoqqaat sapaatip akunnerata naanerani tikeraartinneqarneranik nalilersuinerup takutippaa, atuartut angerlarsimaffiata,

atuarfiup, nunaqarfimmi atuarfiit, nunaqarfinni kommunip allaffeqarfii, ilaquataasut kiisalu Ilaqutariinnermut immikkoortortat akornanni suleqatigiinnerup pitsanngorsarneqarnissaanut suli suliassaqaangaatsiarteq.

Siunissaq qaninnerusooq eqqarsaatigalugu aaqqiissutaasinnaasooq tassaavoq, 2017-imi januaarip aallaqqaataanit atuutilersumik pigaartussatut atorfiit ataaseq affarlu pilersinneqarnissaat, taamaaliornikkullu atuartut angerlarsimaffiat ulloq unnuarlu sulisoqalersinneqarluni, soorlu Kalaallit Nunaani kommunini allani aamma tamanna sulissutigineqarteq.

Siunissaq ungasinnerusooq eqqarsaatigalugu, allaffeqarfik assigiinngitsutigut atuartut angerlarsimaffiata siunissaata ilusilersorneqarsinnaanera takorloorneqarpoq.

Aaqqiissutaasinnaasut ilagaat, inuusuttut ilaqutariinni najugaqarsinnaaneriniq neqerooruteqarneq, nammineq ilaquataasinnaapput imaluunniit allaasinnaapput, tassa atuartut angerlarsimaffiani najugaqartut ikiliartuinnartut kiisalu sulisunik pisariaqartitsisoq qimakkartuaarsinnaallugu.

Assersuutigalugu maannakkut najugaqartut 13-iusut, Sisimiut nunaqarfiinit arfiniliupput Maniitsullu nunaqarfiinit arfineq-marluupput. Taakku najugaqarfinnut 10. klassip tungaanut ingerlatsisunut agguataarneqarsinnaapput, soorlu Kangerlussuaq, Sisimiut, Kangaamiut aamma Maniitsoq. Ilaqutariit najugaqarfigineqartunut nerisaqarnermut aningaasartuutaat matussuserneqarnissaannik neqeroorfigineqarsinnaapput, soorluttaaq paarsaqarnermi tapeqartinneqarsinnaasut. Taamatut aaqqiissuteqarnissamut siunnersuut ataatsimiititaliamit eqqartorneqarusussappat, periarfissanik assigiinngitsunik allaffeqarfik misissuisinnaavoq, taamatullu aningaasaqarnikkut naatsorsuutininik suliaqarsinnaalluni.

Maniitsup nunaqarfiinit inuusuttut, Maniitsumi ilaquataasunit tapersersorneqarluassapput, illuatungaanillu Sisimiut nunaqarfiinit inuusuttut nunaqarfimminnut ungasingaatsiartutut misigisartut aammalu amerlanertigut Maniitsumi ilaquataarneq ajorlutik. Inuusuttut ilaqutariinnut najugaqartillugit aaqqiissuteqarnermi, nunaqarfimmi ilaqutaminnut qaninnerulissagaluarput, taamatullu najugaqarfinni meeqqat atuarfianni 10. klassi angullugu atuartitsiviutilinni, ilaqutariinni immaqa namminneq ilaquataanni najugaqarsinnaaneriniq neqeroorfigineqarsinnaallutik. Taamaaliornikkut ilaqutariiusunit tapersersorneqarlutillu paaqqutarineqalissagaluarput.

Aappaattut aaqqiissutaasinnaasutut siunnersuut, Qeqqata Kommuniani nunaqarfinni tamani 10. klassi angullugu atuartitsisoqartalissasooq. Tassunga misissuineq maannakkut ilinniartitsisut ilinniarsimanerinit tunuliaqutanik misissuinerimik kiisalu pinngortitalerinerimik atuartitsinerup qanoq neqeroorutigineqarsinnaaneraniq imaqaassaaq. Pinngortitalerinerimik atuartitsineq, maannakkut pigineqanngitsunik atortunik ilinniartitsisunillu pisariaqartitsivoq. Tassunga aaqqiissutaasinnaavoq, avataanit atuartitsissummut 10. klassimi atuartunik atuartitsinissaq, 10. klassillu ingerlanerani illoqarfimmi atuarfimmu sapaatip akunnerani ataatsimi imaluunniit sapaatit akunnerini marlunni laboratoriami atuartitsinerimik ingerlatsisoqarsinnaalluni.

Pingajuattut aaqqiissutitut siunnersuut tassaavoq, 9. klassimi 10. klassimilu atuartunut tamanut nuna tamakkerlugu efterskolimik pilersitsineq. Atuartut angerlarsimaffianut atatillugu Qeqqata kommunia kisimi siuliani taakkartorneqartunik ajornartorsiuteqanngilaq. Nuna tamakkerlugu efterkoli pillugu kommunit suleqatigiissutigisinnaavaat, imaluunniit efterskolimik taamaattumik pilersitsinissamut kommunit Namminersorlutik Oqartussanik suleqatiserinnissinnaapput.

Sisamaattut aaqqiissutitut siunnersuut tassaavoq, Maniitsumi Efterskoli imminut pigisumut kommunimi 9. klassimi 10. klassimilu atuartunik tigusinissaanik qinnuiginninneq.

Aningaasaqarnertigut suliassatigullu suleqatigiinnissamut allaffeqarfik efterskolimut isumaqatiginninniarsinnaavoq.

Allaffeqarfiup innersuussutaa

Ilinniartitaanermt, Kulturimut Sunngiffimmullu ataatsimiititaliamit akuereqqullugu innersuussutigineqarpoq:

- 2017-imi januaarip aallaqqaataanit atuutilersussamik ukiunullu tulliuttunut, atuartut angerlarsimaffiani pigaartussanut ataatsimut affarmullu 400.000 koruuninik immikkut aningaasaliisoqassasoq
- nunaqarfinni 9. klassimi 10. klassimili atuartunut allatut atuartitsinissamut periarfissanik allaffeqarfik misissuinermt aallartitsissasoq, matumani ilanngullugit
 - o ilaqutariinni najugaqarnissami aningaasaqarnikkut suliassatigullu kinguneqaatitalimmik aaqqiineq
 - o nunaqarfinni atuarfiit tamarmik 10. klassi ilanngullugu atuartitsisoqalernissamik aaqqiineq
 - o 9. klassimi 10. klassimilu atuartunut nuna tamakkerlugu efterskolimik pilersitsinissamik aaqqiissut
 - o Maniitsup Efterskoliata nammineq pigisup atuartut angerlarsimaffianik kiisalu atuartut angerlarsimaffiani najugaqartunik atuartitsinermik tigusineranik aaqqiissut
 - o Sisimiuni Maniitsumilu siornatigut kollegiaqarsimanermi periusaasimasut aaqqiissutaasinnaanersut qulaajarneqassapput

Ilinniartitaanermt, Kulturimut Sunngiffimmullu ataatsimiititaliap suliamik suliarinninnera
Ataatsimiititaliap oktobarip 31-ani 2016 ataatsimiinnermini innersuussut akuersissutigivaa. Ilanngullu innersuussutigineqarpoq piaartumik immikkut aningaasaliissutigineqassasoq. MISI-p isumakuluutitut qisuariaatai akineqassapput.

Aningaasaqarnermt ataatsimiititaliamut Kommunalbestyrelsemullu akuerisassanngorlugu ingerlateqqinneqassaaq.

Aningaasaqarnermt ataatsimiititaliap suliamik suliarinninnera

Ataatsimiititaliap novembarip 15-ani 2016 ataatsimiinnermini innersuussut akuersissutigivaa.

Innersuussut

Aningaasaqarnermt ataatsimiititaliap Kommunalbestyrelsimut innersuussutigivaa akuersissutigeqqullugu,

-2017-imi januaarip aallaqqaataanit atuutilersussamik ukiunullu tulliuttunut, atuartut angerlarsimaffiani pigaartussanut ataatsimut affarmullu 400.000 koruuninik immikkut aningaasaliisoqassasoq

-nunaqarfinni 9. klassimi 10. klassimili atuartunut allatut atuartitsinissamut periarfissanik allaffeqarfik misissuineramik aallartitsissasoq, matumani ilanngullugit

- ilaqutariinni najugaqarnissami aningaasaqarnikkut suliasatigullu kinguneqaatitalimmik aaqqiineq
- nunaqarfinni atuarfiit tamarmik 10. klassi ilanngullugu atuartitsisoqalernissamik aaqqiineq
- 9. klassimi 10. klassimilu atuartunut nuna tamakkerlugu efterskolimik pilersitsinissamik aaqqiissut
- Maniitsup Efterskoliata nammineq pigisup atuartut angerlarsimaffianik kiisalu atuartut angerlarsimaffiani najugaqartunik atuartitsinermik tigusineranik aaqqiissut
- Sisimiuni Maniitsumilu sionratigut kollegiaqarsimanermi periusaasimasut aaqqiissutaasinnaanersut qulaajarneqassapput

Aalajangiineq

Ilanngussaq

1. Qeqqani Misi-mit Maniitsumi Minikollegiet pillugu ernumaateqarlutik allakkiaat

Imm. 05 Piniartut Kangerlussuarmi inissaqarniarnerat

Journalnr. 06.00

Tunuliaqutaq

Kommunalbestyrelsimi ilaasortaq Marius Olsen email-ikkut novemberip 4-ni 2016 siunnersuuteqarpoq Kangerlussuarmi piniartut inissaqarniarnerannut tunngasoq.

22-ni 23-nilu oktoberip Kangerlussuarmikkatta aammalumi maani piniartunik oqaloqateqartarnermini oqaluttunneqarsimavoq ukiukkut piniarniarluni Kangerlussuarmikkanni inissaq assut ajornakusoortartoq. Kangerlussuarmikkatta takuvarput qimmilivimmi illuaqqat qanoq aserfallassimaqisut ukiukkullu isseqisumi unnuvivissaaajunnarsimasut.

Aamma Kangerlussuarmi Marius Olsen oqaluttunneqarsimavoq Hotelip kitaatungaanittut illut tuniniarneqartut. Nalunngitsumillu oqaatigineqarput atorsinnalluartut taamattumik Marius Olsen-ip siunnersuutigaa misisorneqassasut isummerfigineqarlutillu qanoq pineqarsinnaaneri.

Allaffeqarfiup nailiinera

Allaffeqarfiup nalilerpaa Kangerlussuarmi hoteli imaluunniit vandrehjemme piniartunut najugaqarfiusinnaasutut periarfissaqartoq aammalu ilanngullugu ilisimatitsissutigissallugu pisortat namminersortunut unammilleqqusannginnerat.

Innersuussut

Allaffeqarfiup innersuussutigaa pasissutissiissut tusaatissatut tiguneqassasoq.

Aalajangiineq

Ilanngussaq

1. Marius Olsen-ip allagaa. 2016-mi novemberip 4-neersaq.

Imm. 06 Oqaluuserisassatut siunnersuut – Sisimiuni umiatsiaqqanut sulliviup pitsanngorsarneqarnissaa *Malinnaatinneqassaaq!*

Journalnr. 17.20.11

Tunuliaqutaq

Kommunalbestyrelsimut ilaasortap Marius Olsen-ip Sisimiuni umiatsiaaqqeriviup ineriartortinneqarnissaanut tunngatillugu saaffiginninnera tunuliaqutaralugu. Siunnersuummi kivitsissummik piniarnissamut periarfissaq pitsaanerusoq kissaatigineqarpoq, umiatsiaaraleriffimmi atuineq oqinnerulersinniarlugulu aqqissuusaanerulersikkusullugu. Saniatigullu eqqaaneqarluni umiatsiaaqqerivik ukiorpasuaru nutarterneqarsimanginnera.

Maleruagassatigut tunngavigisat

Umiatsiaaqqerivik B1055-imi Ataatsimoorussamik sannavik inissisimavoq, taavalu konto 2 TEKNIK-ip ataaniilluni.

Pissutsit atuuttut

Umiatsiaaqqerivik ataavartumik alakkarterneqartarpoq, pisariaqaraangallu atortussat pigeriikkat killillit atorlugit piaarnerpaamik iluarsartuunneqartarluni. 2016-imi maajip 26-ani kommunalbestyrelsip ataatsimiinnerani imaqarniliaq naapertorlugu, imm 8-mi ”Qeqqata Kommuniani kommunip illuutaanik aserfallatsaaliineq”-mi nassuiarneqarpoq, ”Pilersaarutaasumik Aserfallatsaaliineq”-mut atatillugu pilersaarusiorderit agguataarinerillu TAI-imit isumagineqartalissasut, taamaalilluni siunissami qaninnerusumi kiisalu ungasinnerusumi aserfallatsaaliinermut suliniutit naapertuunnerusumik kiisalu maannamut naleqqiullugu annertunerusumik missingersuusiorderneqarlutik pilersaarusiorderneqarlutillu ingerlanneqarsinnaalissallutik.

Ataatsimoorussamik sannavik aserfallatsaaliinissamut pilersaarummut illutut pioreersutut ilaavoq, aserfallatsaaliinissamullu pilersaarutaareersumut peqqissaarussamik suliarineqartumut ilanngunneqartussaalluni. Nutarterinermut aserfallatsaaliinermullu pilersaarusiaq taanna Teknikkimut Avatangiisinullu ataatsimiititaliap decembarip arfernani 2016-imi ataatsimiinnissaanut saqqummiunneqassasoq naatsorsuutigineqarpoq.

Takuuk umiarsualivimmi ingerlatseqatigiiffimmik pilersitsinissaq pillugu, 2016-imi februaarip 25-ani Kommunalbestyrelsip ileqquusumik ataatsimiinnera 01/2016, Ataatsimoorussamik sannavik umiarsualivimmi ingerlatseqatigiiffik pilersinneqareeriparpat tassunga nuutsinneqassasoq aqqiivigineqarpoq.

Umiarsualivimmi ingerlatseqatigiiffik aserfallatsaaliisoqannginnerani pilersinneqassagaluarpat, taava aserfallatsaaliinissaq umiarsualivimmi ingerlatseqatigiiffiup isumagisussanngussavaa.

Saaffginnissummi erseqqissaatigineqarpoq, Sarfanguani angutip ataatsip kisimiilluni umiatsiaaraq sannavimmut eqqullugulu inississinnaagaa taavalu aqqaqqissinnaallugu - atortorissaarutillu pigisaat Sisimiuni pigineqartuniit pitsaanerusut.

Umiatsiaaqqerivik kommunip sissami kraaniata akerluinnaaniippoq. Sissami kraani umiatsiaaqqerivillu aqqusinermik ulluinnarni aqutigineqartartumit avissaaqqatinneqarput.

Atuilluartuunissakkut kingunerisinnaasai

Umiarsualivimmi eqqaanilu atuilluartuusumik inuutissarsiuuteqarneq, atuisunut atugassarititaasunik, atuisunut sullissinermik kiffartuussinermillu pitsaanerusunik atugassaqartitsisoq, umiarsualiviup namminersortup tapersissavaa. Imaani nunamilu ingerlatat, umiarsualivimmullu tunngatillugu inuutissarsiutit, umiarsualivimmi atuilluartumik atuinissamut

oqilisaanneqarlutillu pitsaaneruseqarissamik tunngavissaqalissapput.

Aningaasaqarnikkut allaffissornikkullu kingunerisinnaasai Umiarsualivimmi ingerlatseqatigiiffimmik pilersitsinissamut qinnuteqaammut atatillugu, ataatsimoorussamik sannavik umiatsiaaqqerivik tassunga ilaalluni, umiarsualivimmi ingerlatseqatigiiffimmit tiguneqassasoq siunnersuummut ilaavoq. Tiguneqareerpat siunissami ineriartortitsinissaq ingerlatseqatigiiffiup isumagisarilissavaa. Aallaqqaammut qanoq nutarsagassaatinersaq aserfallatsaaliinissamut pilersaarummut ilanngunneqarumaarpoq, qanoq naleqarnissaanik ilimagisaq ilanngullugu.

Allaffeqarfiup naliliinera

Umiarsualiviup avannaatungaani umiatsiaaqqeriviup eqqannguani, nutaamik aalisakkeriviliortoqarmat umiatsiaaqqeriviup atorneqartarnera umiarsualivimmi pissutsinut ilanngunneqartariaqarpoq, nutaamik aalisakkeriveqalernerup kingunerisaanik angallattoqarnerulernissaa nalilerneqarmat.

Allaffeqarfiup nalilerpaa, umiatsiaaqqeriviup Sarfannguanituulli atorneqarsinnaalissagaluarpat, angallattoqarnerulernissaanut nuutsissutit - imaluunniit kivitsissutit atornissaannut tulluarpallaarnaviangitsut.

Umiatsiaaqqeriviup ineriartortinneqarnissaanut takorluukkat, umiarsualivimmi siunnersuisooqatigiit akisussaaffiit aaqqissuunneqassasut innersuussutigineqarpoq. Umiarsualivimmi siunnersuisooqatigiit ullumikkut tassaapput, umiatsiaararsortartut peqatigiiffianiit aamma aalisartut piniartullu peqatigiiffianeersut, taakkuuneruppullu ilaasortat umiatsiaaqqervimmik atuisuusut.

Innersuussut

Allaffeqarfiup Kommunalbestyrelsimut innersuussutigaa akuereqqullugu,

-nutarsaanissamut aningaasaliissutit agguataarneqarnissaannut atatillugu, ataatsimoorussamik sannaviup nutarsarneqarnissaa Teknikkimut atavangiisinullu ataatsimiititaliamut suliaannagortinneqassasoq

Aalajangiineq

Ilanngussat

Soqanngilaq

Imm. 07 Imeq mingunnikumut maleruaqqusap akuersissutiginerani

Journalnr. 27.00

Tunuliaqutaq

’Anartarfilerinermut, anartarfiit imaanik kiisalu imeq mingunnikumut maleruaqqusap`-mut siunnersuut, Teknikkimut avatangiisinullu ataatsimiititaliap ataatsimiinnerani 02/2015 kiisalu Aningaasaqarnermut ataatsimiititaliap ataatsimiinnerani 02/2015 akuersissutigineqarpoq. 2016-imi maajip 17-iani Pinngortitamut, Avatangiisinut Nukissiuuteqarnermullu Naalackersuisoqarfimmit maleruaqqusap inaarutaasumik akuerineqarpoq.

Maleruagassatigut tunngavigisat

Anartarfiit imaanik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq. Eqqaanermut maleruaqqusap nr. 5. Sisimiuni, Sarfannguanit Itillimilu anartarfilerinermut kiisalu imeq mingunnikumut maleruaqqusap 1996-imeersoq. Eqqaavilerinermut eqqaasarnermullu maleruaqqusap Maniitsup Kommunea 2003.

Pissutsit atuuttut

’Anartarfilerinermut, anartarfiit imaanik kiisalu imeq mingunnikumut maleruaqqusap` 2015-imi martsip 13-iani Naalackersuisunut misissugasannorlugulu akuerisassannorlugulu Kommunimit nassiunneqarpoq.

’Anartarfilerinermut, anartarfiit imaanik kiisalu imeq mingunnikumut maleruaqqusap` Naalackersuisunit inaarutaasumik akuerineqartoq 2016-imi maajip 17-iani Kommunimit tiguneqarpoq.

Taamaalilluni maleruaqqusap Naalackersuisunut akuerisassannorlugulu qaammatini 14-nini uninngatinneqaaqarpoq. Akuerineqareernerata kingorna maleruaqqusap TAA-mut ingerlateqqinnissaa maannakkut aatsaat pisinnaasimavoq. Ilaatigut suliap ingerlanneqarnera paatsuunganartoqartinneqarsimavoq, tassa suliap toqqaanartumik Kommunalbestyrelsimut, juunimi juulimilu ataatsimiinngitsumut ingerlatinneqasorineqarsimammat.

Maleruaqqusap tusarniaassutigineqarpoq ukununga: INI A/S, Pinngortitamut, Avatangiisinut Inatsisinilu Atuutsitsinermut Naalackersuisoqarfik, Polar Enterprise, Reno ApS, Henrik Enoksen (entreprenør i Itilleq), nunaqarfinni Teknikkeqarfiit, Innutaasunik Sullissiviit, kommunini innutaasut.

Piffissatut killigittap iluani tusarniaaffigineqartunit akissutinik takkuttoqanngilaq. Tusarniaaneq pitinnagu maleruaqqusap Naalackersuisoqarfimmit akuerineqaaqqaartussaavoq. Tamannali aalajangiisuussaanani. Akuersissutigineqartup oqaaseqarfigineqarneratigut ilaatigut kommunip arlalinnut akuersisariaqarneranik aammalu allanut itigartitsisariaqarneranik kinguneqarsimavoq. Oqaaseqaatit/allannguutit kommunimit akuerineqartariaqarsimasut makkuupput:

- Maleruaqqusat eqqaavilerinermut maleruaqqusaanngillat. Eqqaaveqarnermut maleruaqqusanik taaneqassanngillat, taakkunungalul normulersorneqassanatik. Imarisaanut immikkut naleqquttumik ateqartinneqassaaq.
- Illuaqqanniit, majuartaateqarfinniit, nunaannarmi susoqarfiusuniit anartarfiit puussiaanik imalinnik tunniussinermut akigititat, akigitinneqartartuni allassimassapput.

- Tankimiit imaarsinermit akiligassaq, innutaasumiit suliarinnittumiillu toqqaannartumik isumagineqartussaq, akigititani allaqqassalluni. Akiligassanik isumannaajaanermi kommuni illuatungileruttuulluni akunnermiliuttuussaaq.
- Ungasissusissamut piumasaqaammik immikkut akuersissuteqartarnermi paasissutissanut piumasaqqat.
Ungasissusissamut piumasaqaammi, anartarfilerinermit biilit uninngavianiit anartarfiillu puusiartaata inissiiwiata ungasissusissaanut piumasaqaat pineqarpoq.

Taamaalilluni Teknikkimut Avatangiisinullu ataatsimiititaliaq inaarutaasumik maleruaqqusamut piareeqqasumullu akuersisinnaanngorpoq.

’Anartarfilerinermit kiisalu imeq mingunnikumut maleruaqqusaq` 1996-imeersumut kiisalu Maniitsup Kommuniani ’Eqqaavilerinermit eqqiaasarnermullu maleruaqqusaq, 2003-meersumut allannguutit:

- Maleruaqqusaq Kommuninut tamarmiusunut, illoqarfiit nunaqarfiillu taaguuserlugit, kiisalu Kangerlussuaq-mi imermik mingunnikumik eqqaanerup Qeqqata Kommunianit tigummiaraqartianut maanna atuutilerpoq. Tamanna aamma nunaannarmi sammisaqartoqartillugu imermik mingunnikumik aniatitsinermit pilersitsinerni, susoqarneranik nunallu suuneranik, tasit sikunikut, kangerluit sikunikut, sermeq iigartartoq sermersuarlu nassuiaasersorlugu maanna atuutilerpoq.
- Maleruaqqusani tunisasionermi imermik mingunnikumik kuutsitsineq pineqannginneranik kiisalu kuutsitsinissamut akuersissummik Naalakkersuisunut qinnutigineqartarnissaanut ersarissaaneq.
- Atuisinnaatitaanermut sukaterineq. Kommunini aaqissussaanerit saniatigut, aaqqissuussat allat atorneqannginnissat ersarilluinnarpoq. Kiisalu kuutsitsinerni tamani kommunimut qinnuteqartoqartassasoq.
- Anartarfilerineq, anartarfiup imaanik, imermik mingunnikumik, errortuivinnit anartarfimiillu imeq mingunnikumik tunisasionermilu imermik mingunnikumik kuutsitsisarnernut nassuiaatit annertusineqarput. Anartarfilerineq kisimi pineqarnani.
- Anartarfiit puusiartaanut karsip sumut inissineqartarnissaanut imaluunniit annanik katersuviup imarneqarnissaanut ruujorip isuata inissisimaffianut nassuiaat.
- Anartarfinnik imaarsisarnermi periutsit marluk neqeroorutaapput (Illup iluanut anartarfiup puusiartaanik aallertarneq imaluunniit illup silataanut karsimut aallertarneq).
Taakkununga akit asigiinngitsuupput.
- Imaarsisarnermi akinut paasissutissat pillugit akigititat innersuussutigineqarput, maleruaqqusat allanngortinngikkaluarlugit akigititat allanngortinneqarsinnaapput.
- Anartarfilersumik isumaqatigiissuteqarnikkut, illuaqqani kiisalu nunaannarmi assigiinngitsutigut sammisaqartitsinerni anartarfiit puusiartaat imallit annanut eqqaavimmut tunniunneqarsinnaapput. Akigititat malillugit akiliisarneq.
- Anartarfiit puusiartaannut ilitsiviit aqqusernillu ingerlaffissanik saligaatsuutitsinissamik maleruagassanik annertusaaneq erseqqissaanerlu.
- Anartarfilerisoq angerlarsimaffimmut iserluni imaartittarnermik atuisut, anartarfiup puussialertakkap appakaaffigilluarneqarsinnaanissaanik isumaginnessaaq. Tamanna malinneqanngippat, taava atuisoq illup silataanut karsimut ilitsivimmut aallertarnermut nuutsinneqassaaq.
- Illup silataani anartarfiit puusiartaanut karsimik ilitsivimmik inissisimasoqarnisaa atuisumit

- isumagineqassaaq.
- Kivitsisarneq pillugu Sulinermi nakkutilliisoqarfimmit piunasaqaataasoq malilugu anartarfiit puussiartaanut karsimik ilitivissamik inissiinermut maleruagassaaq. Anartarfinnit puussianut karsi ilitivissap anartarfilerisullu biiliinut uninngaviannut ungasissuseq annerpaamik 25 meteriuvoq.
 - Atuisup innarluuteqarnera patsisaalluni pisariaqalissappat, ungasissussermut piunasaqaammik immikkut akuersissuteqarfigineqarsinnaavoq. Taamatullu nunap ilusaa piunasaqaataasumut ajornakusoortitsisimassappat.
 - Malittarisassami illunut aqqusinermit ungasissumik inissisimasuni, anartarfilerisut biiliinut aqqutissaaq pingitsorani ammasuussaaq. Nunami ilusaa patsisaalluni aqutissamik pilersitsinissamik ajornartitsilluinnarpat, karsip ilitiviusup inissisimavianit anartarfilersut biiliisa qaninnerpaamik uninngavigisinnaasaannit annerpaamik 25 meterimiisut ungasissuseqassasoq piunasaqaataavoq. Teknikkimut Avatangiisinullu immikkoortortaq isumasioqatigalugu karsi ilitivissaaq inissinneqarsinnaavoq. Nunap ilusaa kiisalu atuisup pisinnaasai eqqarsaatigalugit, karsip ilitiviup inissisimaffissaanut Teknikkimut Avatangiisinullu immikkoortortaq aalajangiisnaavoq imaluunniit ungasissusissaanik piunasaqaatinit immikkut akuersisoqarsinnaavoq.
 - Anartarfinnut puussiat allanik immerneqassanngillat.
 - Illoqarfinni marluusuni, nunaqarfinnilu tamarmiusuni, Kangerlussuaq kisimi pinnagu, anartarfiit puussiartaanik kommunimit aaneqartarnissaat isumagisarpaat.
 - Kangerlussuarmi sunngiffimmi illuaqqanik anartarfinnik imaartakkanik atuisunik piginnittut, anartarfiit puussiartaannik attanik kuutsivimmumt namminneq imaarsisassapput. Kangerlussuaq eqqarsaatigalugu aqqissukkamik atuutilersitsisoqassagaluarpat, tamanna atorneqassaaq.
 - Attanik katersuiviit imaaneqarnissaat pillugu atuisut entreprenørillu akornanni isumaqatigiissutisarnissaanut paasissutissiissut. Entreprenøri kommunimit akuerisaassaaq. Akiliisarneq entreprenørip atuisullu akornanni toqqaannartumik ingerlanneqassaaq. Tamanna akuerisaassappat akigititaasartuni allassimassaaq.
 - Attanik katersuiviit ulikkaartoornissamut/maangaannaq kuuttoornissamut kalerrisaarutilersimassapput. Maangaannaq kuutsitsisoqassanngilaq.
 - Attanik katersuiviit imaaneqartarnissaanut isumaqatigiissutit, imaarsinermit biiliniq ingerlatsisimanermut allagartap, katersuiviup angissusiata, illumi najugaqatigiit amerlassusiisa assilineqarneri, Teknikkimut Avatangiisinullu immikkoortortaqarfimmut nassiinneqassapput.
 - Kangerlussuarmi Kussuaq-p qanittuani kuuffissuup eqqaani kuitsivikkut attanik katersuivimmiit imaakkat kuutsinneqartassapput.
 - Imeq mingunnikup akornutaaneranut maleruagassat 1996-imeersut, inatsisitigullu tunngavissaqanngitsut peerneqarput.
 - Illunuk piginnittut kuuffissuarnut attavilernissamik periarfissaqanngitsut, attanik katersuivimmumt imermik mingunnikumik kuutsitsisassapput. Imaluunniit maangaannaq kuutsitsisinaanissamik immikkut akuersissummik qinnuteqarsinnaapput.
 - Siunissaaq eqqarsaatigalugu nunaqarfimmi taamaallaat immikkut akuersissuteqarsinnaaneq naatsorsuutigineqassaaq, Kangerlussuaq ilanngunnagu paasissutissat. Kiisalu immikkut pisoqarnermi taamaallaat, illoqarfinni immikkut akuersissutigineqarsinnaanera naatsorsuutigineqassaaq. Immikkut pisut tassaapput immikkoortoq kuuffissualersugaanngitsoq taamatullu attanik katersuivimmik imaarsinissamik annertuumik ajornartorsiorfiusoq.

- Imeq mingunnikoq suliffeqarfinit ingerlatsinermi imermik mingunnikumik imaqartinneqassanngilaq.
- Anartarfinnit nunamut kuutsitsisoqassanngilaq. Entreprenørit anartarfiit puussiaannik suliaqarnermini Annanik eqqaavimmullu imaarsinerannut nunamut kuutsitsisoqannginnissaanut ersarissaaneq.
- Piffissami akiliiffissatut paasissutissanut atatillugu, maleruaqqusani allassimanani akigitat innersuussutigineqarput. Taamaasilluni piuminarnerusumik allanngortinneqarsinnaalluni.
- Maleruaqqusani unioqutitsinermi, Anartarfiit aamma imermik errortuivikumik anartarfiillu imaanik eqqaasaneq pillugu Naminersorlutik Oqartussat nalunaarutaat nr. 10, 12. juni 2015-imeersoq naapertorlugu pillaasaneq ingerlanneqassaaq.
- Naammagittaalliuuteqarnissamut tunngasoq allannguuteqarpoq, tassa kommunimut taamaallaat naammagittaalliuuteqarsinnaanerinnamit saniatigut, Avatangiisinik illersuineq pillugu naammagittaalliuuteqarnermut ataatsimiititaliamut naammagittaalliuuteqarsinnaanermik imaqalerluni.
- Sisimiut kommunerisimasaani aamma Maniitsup kommunerisimasaani eqqagassalerinermut maleruaqqusani sammisat tulluarsarlugit agguataarneqarput. Tamanna maleruaqqusat nutaanngitsunik atorunnaarsitsinissaq pillugu immikkoortumi eqqumaffigineqarpoq.

Atuilluartuunissakkut kingunerisinnaasai

Illersorneqarsinaasumik ullutsinnullu naleqquttumik imermik mingunnikumik eqqaanermik ingerlatsisinnaanissami, ilaatigut maleruaqqusani malittarisassat suliarinninnissamullu periarfissat ersarissarneqarnissaat apeqqutaavoq. Atuuttunik maleruaqqusaqartinnagu, avatangiisitigut illersorsinnaasumik malittarisassat atuutilersinneqarsinnaanngillat.

Aningaasaqarnikkut allaffissornikkullu kingunerisinnaasai

Maleruaqqusaq nutaaq aningaasaqarnikkut kingunerisassaqaqanngitsutut isigineqarpoq. Atuisut najugaqarfiisa tikikkuminartuunissaannut aammalu anartarfinnut karsit ilitsiviit anartarfilerisunut oqilisaataaffigineqarnissaanik alloriartoqarpoq. Piffissap ilaani ungasissusissamut aammalu anartarfinnut karsit ilitsiviissat inissisimanissaat pillugit atuisunut piumasaqaateqartarneq, allaffeqarfimmut kinguneqarsinnaavoq. Anartarfiit imaanik/anartarfilerinermi maangaannaq kuutsitsinnginnissamut kiisalu maangaannaq kuutsitsinermi peerneqarnissaanik piumasaqarnissaq allaffissornikkut piuminarnerulissaaq. Tamanna entreprenørinit malitsinniarnarat ajornartorsiutaasimavoq.

Allaffeqarfiup naliliinera

Naalackersuisunit suliaq sivisungaatsiartumik suliarineqarpoq. Taamaattumik maleruaqqusat amigaatigineqartut Naalackersuisuniit utertinneqarnissat utaqqiinarnagit, maleruaqqusat nutaat piaarnerpaamik akuersissutigineqartariaqarput.

Maleruaqqusat nutarterneqarnissaat pisariaqartinneqarput. Assersuutigalugu anartarfilerisut avatangiisaat (karsii ilitsiviinik inissiineq ungasissuserlu), maannakkut aqqissuussinerup imaanik ersarissaaneq, nunaannarmut malittarisassat aqqiissutillu, illoqarfinni imermik mingunnikumik akuersissuteqarunnaanermut pasissutissiineq, imermik mingunnikumik kuutsitsinermi piiaanissamut/pinaveersaartitsinissamut piumasaqarnermi pitsaaneruserumik periarfissat, innuttaasut inatsisitigut illersorsinnaaqqullugit naammagittaalliuuteqarnissamut pitsaaneruserumik ilitsersuinissamut qulakkeerininnissaq pillugit.

Suliassaq Teknikkimut Avatangiisinullu atatsimiititaliamit suliarineqassaaq, tullinnguullugu

Aningaasaqarnermut ataatsimiititaliamit, naggataatigullu maleruaqqusaq kommunalbestyrelsimit inaarutaasumik akuersissutigineqassaaq.

Allaffeqarfiup innersuussutaa

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut akuerisassanngorlugu innersuussutigaa,

-²Anartarfilerinermut, anartarfiit imaanik kiisalu imeq mingunnikumut maleruaqqusaq` inaarutaasumik akuersissutigineqassasoq

-Suliaq Aningaasaqarnermut ataatsimiititaliamut ingerlateqinneqassasoq

Teknikkimut Avatangiisinullu ataatsimiititaliap suliamik sularinninnera

Ataatsimiititaliap oktobarip 4-ni 2016 ataatsimiinnermini innersuussut akuersissutigivaa.

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2016 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigivaa akuereqqullugu,

-Anartarfilerinermut, anartarfiit imaanik kiisalu imeq mingunnikumut maleruaqqusaq inaarutaasumik akuersissutigineqassasoq

Aalajangiineq

Ilanngussaq

1. ¹Anartarfilerinermut, anartarfiit imaanik kiisalu imeq mingunnikumut maleruaqqusaq`

Imm. 08 Aasivissuit-Nipisat UNESCO-p nunarsuarmioqatigiinnut kingornussassanngortinneqarnissaanut qinnuteqaat ingerlatsinermullu pilersaarut

Journalnr. 80.11

Tunuliaqutaq

Qeqqata Kommunalbestyrelsen 2016-imi aggustip 25-ani ataatsimiinnermini aalajangiivoq, - Qeqqata Kommuniani UNESCO-p nunarsuarmioqatigiinnut kingornussassaa ateqartinneqassasoq "Aasivissuit-Nipisat" immikkuualuttullu ateqartinneqassasut - Sermersuup immallu akornanni Inuit Piniarfii (kalaallisut) Inuit Hunting Ground between Ice Cap and Sea (tuluttut) Inuit Jagtområde mellem Indlandsis og Hav (qallunaatut) - 2016-imi septembarimi qinnuteqaammik utaqqiisaasumik tunniussaqaarnissaq aammalu 2017-imi februaarip aallaqqaataani qinnuteqaativimmik tunniussaqaarnissaq siunertaralugu, UNESCO-mik suliniummik suliaqarneq ingerlateqqinneqassasoq UNESCO-p nunaminertaanut ingerlatsinermut pilersaarut 2016-imi ukiakkut akuerisassanngorlugu saqqummiunneqassasoq

2018-imi aggustimi/septembarimi toqqaasoqaarnissaa naatsorsuutigalugu, 2017-imi februaarimi qinnuteqaammik ilusilersukkamik tunniussaqaarnissaq siunertaralugu, suliniaqatigiit maanna allagaannaagallartumik qinnuteqaammik UNESCO-mi atuagassanngorlugu tunniussaqaarnikuupput.

Ingerlatsinissamut pilersaarummut siunnersuummik aamma suliaqartoqareerpoq.

Nunarsuarmioqatigiinnut kingornussassaaterput qanoq paarissanerippit, ilutigitillugu innuttaasutta takornariattalu oqaluttuassartaata ersarissarnissaanut suliniuteqartugut, ingerlatsinermut pilersaarutip nassiuarpaa. Taamaalilluni ingerlatsinermut pilersaarummi UNESCO nunaminertap ingerlanneqarnissaanut tassungalugu attuumassutillit aningaasaqarnerup aqqissuunnissaanut siunnersuutit ilanngunneqarput.

Maleruagassatigut tunngavigisat

UNESCO FN-imi aqqissuussaavoq, tassa nunanut allanut tunngasutigut Naalagaaffeqatigiinnerup iluani naalagaaffimmit susassaqaarfiusoq. Kisiannili UNESCO-p kulturimut tunngasut sammisaqaarfivai, ilaatigut Namminersorlutik Oqartussanit susassaqaarfiusut, ilaatigullu kommuninit susassaqaarfiusut. Taamaattumik Naalagaaffiup, Namminersorlutik Oqartussat Kommunillu akornanni isumaqatigiiffiusumik UNESCO-p nunarsuarmi eriagisassanut naleqqutitaasigut ingerlatsisoqartariaqarluni.

Nunarsuarmioqatigiit kingornussassaattut nunaminertamik ingerlatsinermi inatsisitigut tunngavissat ilanngunneqartut ingerlatsinermut pilersaarummi taaneqarput.

Pissutsit atuuttut

UNESCO nunaminertaa/Nunarsuarmioqatigiinnut kingornussassarititamik akuersissutigitinneqarnissaa suliniutaavoq suleqatigiissutigineqartoq, susassaqaartunik amerlasuunik Slots- og Kulturstyrelsen i Danmark-miit Namminersorlutik Oqartussani naalakkersuisoqarfiit sisamat, Nunatta Katersugaasivia, Pinngortitaleriffik, Qeqqata Kommunian innuttaasuniillu peqataaffigineqartoq.

UNESCO nunaminertaa annertooujussuuvuq 4178 kvadrameterit missaani imaqartoq sermersuup

killinganit piusumut kangianiit 40 km annertussuseqartoq (inuit siulliit Kalaallit Nunaannut isaanerannit Sermersuup qaavaniit killeqarfianut annertussuseqartoq) Nipisat kitaatungaannut killeqarfeqartoq, katillugit 235 km.

Qinnuteqaammi qitiusoq tassaavoq, OUV (Outstanding Universal Value) oqaluttuarineqarnera oqaasertalersorneralu, tassa imaappoq, nunataq taanna sooq nunarsuarmioqatigiinnut immikkuullarissumik pingaaruteqarnerasoq. Qinnuteqaat aamma OUV qaffasissumik ilisimasalinnit allanneqarnikuuvoq, taamaattumik malitsigisaanik qinnuteqaammik saqqummertussamik tigussaanagerusumik suliaqartoqakulavoq. Qinnuteqaaterput sumiiffimmi najugalinnut takornarissanullu kalaallisuunngorlugu, tuluttuunngorlugu qallunaatuunngorlugu saqqummersinneqassasoq naatsorsuutigineqarpoq, qinnuteqaaterpiarli tuluttuinaq allasimassalluni. OUV oqaatsit pingasuusut atorlugit pigineqarpoq.

OUV illersorneqarnissaa qulakkeerniarlugu, immikkoortumik ingerlatsinissaq inatsit atuuttumi killiliussat iluanni pissaq, Naatsumik oqaluttuaralugu, Saqqaq-mit, Dorset-init Thulekulturimillu qanganisat eriagisassat amerlasoorpassuit nunamiittut, kiisalu ukiut 4500 sinnerlugit piniarnermi ileqqut piusimasut ineriartortinneqarsimasut paariinnerneqarnissaat pineqarpoq. Taakkununga ilaassapput ullutsinni atorineqartunik sakkunik nutaanik atortoqarluni assartuuteqarlunilu piniarnermi ileqqunik ineriartortitsineq, piniarnermik ileqqoq uummaarissoq ineriartortuusooq takutinniarlugu.

Ingerlatsinissamut pilersarutip kingunerissavaa, nunarsuarmioqatigiinnut kingornussassami ineriartortitsinerup immikkoortumik ajortumik sunniuteqariartornerasoq pillugu takussutissiisinaasunik nakkutilliissutinik arlalinnik ikkussuisoqarnissaa, taamaalilluni nunaminertat tulluunngitsumik artukkerneqassagaluarpata ingerlatsinermik suliniutinik malitseqartitsisoqarsinnaaniassammat nalimmassaasoqarlunilu.

Inatsit aaqqiinerlu atuuttuusut ilassutaattut ingerlatsinermut pilersaarut suliaammat, tamanut tusarniutissanngorlugu nassiunneqarnissaanut piunasaqaateqanngilaq.

Atuilluartuunissakkut kingunerisinnaasai

Qinnuteqaammi ingerlatsinissamullu pilersaarummi pingaartinneqarput UNESCO nunaminertaa, Qeqqata Kommuniata 2020-mi inuiaqatigiit atuilluartuunissaannik Kommunalbestyrelsip aalajangiinunneranik ilassutitut tunngaveqarluni atuilluartuunissap ingerlanneqarnissaa. Ilaatigut teknikkikkut aaqqiissutit, ilaatigut ilinniartitaanermi qaffasissutsini tamani ajornartorsiutaasinaasut akuutinneqarnissaat ukkatarineqarput, ilutigitillugu toqqagaaneq suliffissanik amerlanerusunik kinguneqarnissaa, taamaalillunilu Qeqqata Kommuniani Nunalu tamakkerlugu takornariaqarnermik ineriartortitsinermut peqataassalluni, aammalu Kalaallit inuiaqatigiinnut inuuniarnikkut tunngavissanik siammasinnerusunik kinguneqassasoq naatsorsuutigineqarpoq.

Aningaasaqarnikkut allaffissornikkullu kingunerisinnaasai

UNESCO-mik suliniummi piunasaqaataavoq, nunarsuarmioqatigiinnut kingornussassami aatsitassanik piaasoqannginnissaa. Taamaaliornikkut siunissami nunaminertami aatsitassarsiorluni misissuinissamut akuersissutinik tunniussisoqarsinnaajunnaassaaq. Tamatuma kingunereratarsinnaavaa, siunissami Qeqqata Kommuniata Nunattalu aatsitassarsiornikkut isertitassaraluanik annaasaqarneq, kisianni nunaminertami annertuunik peqarnissaa ilimagineqanngilaq, kujasinnerusumik aligoqqinnik niobiumminillu annertuunik peqareemat. Illuatungaatiqut UNESCO nunarsuarmioqatigiinnut kingornussassatut akuerisaanerup

kingunerisinnaavaa, Kalaallit Nunaanni nunarsuullu sinnerani kalaallit piniartariaasiannut paasinninnerulerneq.

Qinnuteqaammi ingerlatsinissamullu pilersaarummi aningaasartuutit arlallit taaneqarput, taakkununga ilanngullugit Sarfannguanit eqqaavimmi torersaaneq saviminikunillu umiarsuakkut assartuineq, katillugit 400.000 koruunit, aammalu paasissutissiinissami atortussaagallartunik suliaqarneq, 2016-imiit 2018-imut aningaasaliissutaareersunit akilerneqartussat. Taakku saniatigut Suliniummik aqutsisumik aammalu Park Rangerimik ataatsimik toqqaasoqassaaq, ingerlatsinermi pilersaarummi nunaminertamik illersuineranut anguniakkanik malitsitsisoqarnissanut qulakkeerinnittussanik. Aallarnisarnermi aqqissuussaanagerup iluani toqqarneqarsinnaassasut nalilerneqarpoq, ullumikkut suliat suliarineqarnerisa nanginnerattut annertussuseqartoq pineqarmat.

Aamma Arctic Circle Trail pinngortitamilu aqqusineq sinerlugu eqqagassalerinerup pitsanngorsarneqarnissaata ingerlanneqarnissaa kiisalu aqutsiveqarfinni pingaarnerni torersuutitsisoqarnissaa pisariaqarportaaq. Taakku saniatigut Sarfannguit tungaanut Arctic Circle Trail ilisarnaasorsorneqassaaq illuaralersorlugulu /oqqisarfilersorlugu pitsanngorsarlugu. Siunertamut 2018-imi 19-milu ingerlanneqartussaasumut 1 mio. koruunit missaaniittunik immikkoortitsisoqarniartussaavoq.

Nunaminertaq UNESCO nunarsuarmioqatigiinnut kingornussassatut akuerineqassagaluarpat, paasissutissiivinnik ikkussuisoqassaaq. Taakku saniatigut aqutsiveqarfinnut pingaarnernut marlunnut Aasivissuit aamma Nipisanut appakaassinnaaneq pitsanngorsarneqassaaq, aqqusiniliinikkut, puttasuliinikkut aammalu nunguartorsinnaanermut illersuusiornikkut. Taakkununga 2019-imi 20-milu 2,7 mio. koruunit missaanittunik immikooortitsisoqarniartussaavoq. Neriutiginerportaaq, aningaasaateqarfiit aamma visitorcenterbevilling Kangerlussuarmi, Sarfannguani, Sisimiuni, Aasivissuarni aamma Nipisani 2020-miit visitorcenterinik sanasinnaanissaat qulakkeerneqassasoq.

Allaffeqarfiup naliliinera

Allaffeqarfiup nalilerpaa, pilersaarut taamatut pigineqartillugu tamakkiisusooq, kisianni qinnuteqaammi atortussanik misissuineranut atatillugu UNESCO siunnersortaani ingerlanermut atatillugu annikitsunik iluarsiiisuteqartarumaartoq.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut kommunalbestyrelsimullu innersuussutigivaa akuereqqullugu,

-UNESCO-mut qinnuteqaat Ingerlatsinermullu pilersaarut akuersissutigissagaat

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-ani 2016 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-UNESCO-mut qinnuteqaat Ingerlatsinermullu pilersaarut akuersissutigissagaat

Aalajangiineq

Ilanngussaq

1. "Aasivissuit-Nipisat-nut qinnuteqaatissatut siunnersuut: (tuluttuuginnaq)
2. Qinnuteqaatip tulleriinnilersornissaanut assersuut, nunaminertanik ilalik (tuluttuuginnaq)
3. OUV'-mik naalisagaq (kalaallisoq qallunaatoorlu)
4. Qeqqata Kommuniani UNESCO nunaminertaanut "Aasivissuit - Nipisat"-nut Ingerlatsinermut pilersaarummut siunnersuutaagallartoq, tunniunneqannginnerani nunap assinginik aammalu assiliartaasa pitsaanerusunik inississuiffissalik.
5. 2016-imi aggustip 25-ani kommunalbestyrelsip ataatsimiinneranit imaqarniliami imm. 8.

Imm. 09 Sisimiut Kangerlussuullu akornanni aqutissaq (ATV-nut aqutissaq)

Journal nr: 23.01.10

Tunuliaqutaq

Qeqqata Kommuniani kommunalbestyrelsip 2016-imi apriliip 28-ani ataatsimiinnermini aalajangerpaa,

- aqqusinermik pilersaarummut aningaasaliisussarsiortartumik atorfinitsitsisoqassanngitsoq aningaasaliiffigineqassanngitsorlu

- tasersuup avannaatungaani ATV-nut aqqummik aamma UNESCO-mut qinnuteqaammik sulineq ingerlaqqissasoq

- sanaartornermut missiliuut inaarutaasoq, inuiaqatigiinnut aningaasaqarnikkut kingunerisinnaasaanik misissuineq aamma VVM-imik nalunaarussiaq ukiumi kingusinnerusukkut saqqummiunneqassasoq

Maleruagassatigut tunngavigisat

Kalaallit Nunaanni ATV-nut aqqusiornissamut aalajangersimasumik inatsiseqanngimmat, Namminersorlutik Oqartussalli naliliinerisigut, Pinnortitamik illersuineq pillugu inatsit naapertorlugu pinnortitamut kinguneqaataasinnaasut naliliiffigineqassasut.

Aqqusinivimmik sanaartortoqarniartillugu Namminersorlutik Oqartussat naliliinerisigut, aqqusinernik takinerusunik sanaartortoqarniartillugu avatangiisinut sunniuteqaataasinnaasunik nassuiaasiortoqartartussaavoq – aamma pinnortitamut kinguneqaataasinnaasut naliliiffigineqarnerinik imaqartinneqartumik.

Nunaannarmi motoorilinnik angallannermut tunngatillugu akisussaaffik 2014-imi januaarip aallaqqaataani kommuninut tunniunneqarpoq. 2014-imi Qeqqata Kommunian angallannermut maleruagassamik suliaqarpoq, Namminersorlutik Oqartussat inatsisilerinermit allaffeqarfianni suli suliarineqartumik.

Motoorilinnik angallannermut akisussaaffik kommuninut tunniunneqannginnerani, 2013-imi januaarip aallaqqaataani Kangerlussuup eqqaani nunami annertuumik ATV-nik ingerlasinnaanermut Namminersorlutik Oqartussat akuersissuteqarnikuupput.

Pissutsit atuuttut

Sanaartornissami missiliuinermit atatillugu, aqquserngullu sukkoqquutinneqarnissaa, avatangiisinullu sunniuteqaataasinnaasut misissuiffigineqarnissaa siunertaralugu 2015-imi aggustip qaammataani Rambøll-ip, Kangerlussuarmi Tasersuaq avannaqquaterialugu Nerumaq aqqusaarlugu Sisimiut tungaanut aqqusinissaq pisuffigaa. Aqqusinniassami sumiiffiit toqqakkat, matumani Sisimiuni imeqarfiup killeqarfia ilanngullugu, 2016-ip aasaanerani misissorluarneqarput.

Ataatsimut isigalugu aqqusinissap Itinnikkoortinnissaanut sanilliullugu, aqqusinissap avannaqquatsinnissaani unammillernartussat allarluinnaapput. Itinnermut sanilliullugu nuna aqinnersartaqanngilaq, soorluttaaq Itinnerup kujasissortaanisut, Sarfanguillu avannaatungaanisut innartaqarani. Biilit nunakkoortit aqqusinikkut ingerlaarsinnaanissaat qulakkeerniarlugu, annikitsuinnarmik qaartiterisoqartariaqarpoq. Tamanna tunuliaqutaralugu suli nalilerneqaaqqavoq, aqqusinissap sanaartorneqarnissaa 15 mio. koruunit missaannik naleqassasoq.

Inuiaqatigiit aningaasaqarnerinut misissueqqissaarneq eqqarsaatigalugu Qeqqata Kommunian Inuiaqatigiit aningaasaqarnerinut misissueqqissaarnikuuvoq, tassanilu paasinarsilluni aqqusiq Inuiaqatigiit aningaasaqarnerinut iluaqutaasinnaasoq. 15 mio. koruuninik aningaasaliissutit ukiut

arfineq-marluk qaangiuppata utertinneqariissapput, taamaattumillu 2017-imi sanaartorneqarpat inuiaqatigiit aningaasaqarnerat eqqarsaatigalugu aningaasaliissutit nul-inngussapput (break-even) 2024-mi.

Inuiaqatigiit aningaasaqarnerinut kinguneqaataasussat isumalluarfigineqarnerini pingaartumik takornarialerineq isiginiagassaavoq, matumanimi aqqusineq patsisaalluni isumannaallisaaneq annertusisussaassammatt, Sisimiut Kangerlussuullu akornanni ullutsinni takornarialerineq annertusisussaassaaq, soorluttaaq aqqusinissaq imminnermini, pingaartumik aasaanerani angallatinik motoorilinnik atuilluni neqeroorutit nutaarluinnaat neqeroorutigineqartalissasut. Taamatuttaaq aalisakkanik, qalerualinnillu nutaanik, neqinillu qerisunik assartuisoqarsinnaalerneratigut, aqqusinerlu atuarlugu ilisimatusarnernut aningaasaqarniarnikkut iluaqutaasussaassaaq.

Avatangiisinut sunniutaasinnaasunik nassuiaasiornissaq eqqarsaatigalugu, tamatumunnga Rambøll-ip Norge-mi, Danmark-imi Kalaallit Nunaannilu ilisimatuuvi siunnersuusiaqarput. Misissuinerit uuttuutit ('terms of reference(undersøgelsesparametre') Namminersorlutik Oqartussanit inaarutaasumik akuersissutigineqariarpata aatsaat siunnersuut tunniunneqarsinnaassaaq. Aqqusinniornissami misissuinerit uuttuutit nalinginnaasut, avatangiisinut sunniutaasinnaasut nassuiaasiortigineqarnerinut ilanngunneqarput.

Massakkumut avatangiisinut sunniutaasinnaasunik misissuinerugallartut takutippaat, aqqusinissaq Itinnerup qooruatigoortinneqanngikkuni, Sisimiuni imeqarfiup killeqarfia ilisimaneqartutut kisimi unammillernartuusaaq. Taamaakkaluartoq Norge-mi ilisimasat takutippaat, imeqarfiup killeqarfiatigut aqquserngit imminnermini imermut ajortumik sunniuteqarneq ajortut, taamaallaalli pingaartumik sanaartornissaq eqqarsaatigineqarluartariaqartoq, soorluttaaq Norge-mi periutsit ilisimaneqartut atorneqarlutik.

Atuilluartuunissakkut kingunerisinnaasai

Ataatsimut isigalugu timmisartornermut sanilliullugu aqqusinikkut assartuineq avatangiisit eqqarsaatigalugit atuilluarnerussaaq. Soorluttaaq timmisartornermut sanilliullugu assartuineq kisimiitinnerullugu aqqusinermik assartuinissamik sammineruvoq, taamaallunilu pisortat assartuussinerannit namminersortut assartuussisinnalernerunissaannik kinguneqassalluni.

Nunami aqqusinniortoqarneratigut Sisimiut Kangerlussuullu akornanni nunataq ammarluni angallavigineqarsinnaalissaaq, inuutissarsiutillu assigiinnginnerusut periarfissaalissallutik, tamannalu Qeqqata Kommuniani Kalaallit Nunaannilu imminut nappattumik aningaasaqarnissap anguniarneqarnerani tunngavissaalluarluni.

Aningaasaqarnikkut allaffissornikkullu kingunerisinnaasai

Qeqqata Kommuniani kommunalbestyrelsen 2016-imut missingersuutininik, ukiunullu missiliuteqarfiusunut akuersissuteqarnermini, aqqusinniornissamut 2016-2017-imut missingersuutini 15 mio. koruunit immikkoortinnikkuuai, soorluttaaq avatangiisinut sunniutaasinnaasut pillugit 2016-imi misissuisoqarnissaanut 1 mio. koruuninik immikkoortitsinikuusooq kiisalu 2017-2018-imi Alanngorsuup tungaanut aqqusinniortoqarnissaanut 6 mio. koruuninik immikkoortitsinikuusooq. Katillugit 22 mio. kr.

Naatsorsuutigisarlualut 2016-ip aasaanerani Kangerlussuup Pingu-llu akornanni aqqusinniortoqarsinnaasimanngilaq, matumani naatsorsuutigineqaraluartutut Sisimiuni imeqarfiup killeqarfia kisiat pinnagu, aqqusineq tamaat pillugu avatangiisinut sunniutaasinnaasut pillugit

nalunaarusiortoqarnissaanik Namminersorlutik Oqartussat piumasaqarnikummata. Suliap suliareqqinneqarneranut atatillugu aqqusinissaq tamakkerlugu ingerlatsinissami aningaasanik immikkoortitsisoqartariaqarpoq, massakkumuugallartoq ukiumut ½ mio. koruunit missaannut naatsorsorneqartut. UNESCO-p nunarsuarmioqatigiinnut kingornussassannortitsiniarneranut atatillugu nunarsuarmioqatigiinnut kingornussassannortitap qulakkeerneqarnissaanut, isumaginissaanullu suliniummik aqutsisumik aamma park rangers-inik atorfinitsitsisoqartariaqarpoq. Aqqusinissaq aamma pineqarpoq. Park rangers, piniarnermut nakkutilliisutut piginnaatitaaffeqarsinnaanersut misissorneqarpoq.

Allaffeqarfiup naliliinera

Allaffeqarfiup nalilerpaa, inuutissarsiornerup ineriartortinneqarnissaa Namminersorlutik Oqartussanit kingulliutinneqartuassappat, Sisimiut Kangerlussuullu akornanni aqqusinermut atatillugu attartorsinnaanermut Namminersorlutik Oqartussanit akuersissummik pissarsisinnaanissaq periarfissaqanngitsoq. Tamanna ima paasineqassaaq, aqqusinivimmik pilersitsinissamut Qeqqata Kommuniata avataani aningaasaliisoqarsinnaanngitsoq.

Allaffeqarfiup nalilerpaa, aqqusineq atorluarneqassasoq, qanorlu pisoqanngitsoq aqqusinivinnortinneqarsinnaassasoq. Tamatuma saniatigut aqqusineq sanaartorneqariarpat, Sisimiut Kangerlussuullu akornanni aqqusinivimmik, Kalaallit Nunaannut annertuumik iluaqutaasussamik sanaartortoqarsinnaasoq Namminersorlutik Oqartussanut aningaasaliisinnaasunullu uppersineqassaaq. Ilutugalugu aqqusinnivinnissami sanaartornermi aningaasartuutissat qulakkeerluarnerujumallugit, ilisimatut ilinniartullu aqqusineq sinerlugu sanaartornissami atortussat misissorsinnaanngussavaat.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut kiisalu Kommunalbestyrelsimut akuersissannorlugu innersuussutigaa,

- inuiaqatigiit aningaasaqarnerinut misissueqqissaarsimaneq tusaatissatut tigueqassasoq
- aningaasat immikkoortinneqarsimasut naapertorlugit Tasersuaq avannaqqullugu aqqusinniornissap suliariumannittussarsiuunneqarnissaa piareersarneqassasoq
- avatangiisinut sunniutaasinnaasunik nassuiaaneq Namminersorlutik Oqartussanit akuersissutigineqariarpat, aqqusinissaq sanaartorlugu aallartinneqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-ani 2016 ataatsimiinnermini innersuussut itigartitsissutigaa.

Isumaqaataapput: 2 HB – BH

Itigartitsisut: 3 MO – SKH – GL

Kommunalbestyrelsimut innersuussutigineqarpoq allaffeqarfiup innersuussutaa itigartitsissutigineqassasoq.

Allaffeqarfiup ilassutai

Allaffeqarfiup erseqqissaatigissavaa, nunaannarmi aqqusiassamut kommunip pilersaarusiortifigineqarneranut tapiliusassatut siunnersuut, aningaasaqarnermut ataatsimiititaliap kommunalbestyrelsillu novembarimi ataatsimiinnissaannut, piffissaalatsiinikkut suliarineqarsinnaasimannngimmat.

Kommunip pilersaarusiordfigineqarneranut tapiliusaaq, avatangiisinullu sunniutaasinnaasut pillugit nassuiaat innuttaasunut tusarniutigineqartussaapput.

Kommunip pilersaarusiordfigineqarneranut tapiliusaaq decembarip qaammataani naammassissangatinnearpoq, Aningaasaqarnermullu ataatsimiititaliap suliaq suliareerpagu tamanut tusarniutigineqassalluni.

Avatangiisinut sunniutaasinnaasut pillugit nassuiaat tamanut tusarniutigineqarnissaani, Namminersorlutik Oqartussanit akuerineqaaqartussaavoq.

Sisimiut Kangerlussuullu akornanni kommunip pilersaarusiordfigineqarneranut tapiliusaaq, avatangiisinullu sunniutaasinnaasut pillugit nassuiaatip kingunerisaannik, Sisimiut Kangerlussuullu akornanni nunaannarmi aqqusiorortoqarsinnaalissaaq imaluunniit aqqusinivimmik aqqusiorortoqarsinnaalissalluni.

Tasersuaq avannaqqullugu aqqusiorortoqarnissaanik innersuussut eqqarsaatigalugu, inuiaqatigiit aningaasaqarnerinut kingunissai pillugit nassuiaammi (ilanngusaaq 2) kapitali 3 (pingaartumik immikkoortut 3.7 aamma 3.9) allaffeqarfiup innersuussutigai, tassani nassuiaatigineqarami, sooq aqut Itinnikkoortissaguni ajornarnerussasoq, akisunerussasoq, avatangiisillu eqqarsaatigalugit pitsaavallaassanngitsoq.

Tamatuma saniatigut allaffeqarfiup aamma erseqqissaatigissavaa, nunaannakkut aqut pingasunik pingaarnertut siunertaqarmat:

1. Sisimiut Kangerlussuullu akornanni 'aqqusinivimmik' ajornaatsumik aqqusinniorortoqarsinnaasooq nunarsuarmioqatinut, matumani avataanit aningaasaliisartut takutitsivigissallugit, tassami Sisimiut Kangerlussuullu akornanni nunaannakkut aqutitigut angallattoqalereersooq takussammassuk
2. ajornaatsumik sumiiffimmukarluta aqqusinniornissami, aqqusineq sinerlugu aqqusinniornissami atortussaasinnaasunik, apisarneranullu tunngatillugu unammillernartut misissoriartorlugit, 'aqqusinivimmik' aqqusioriornissami pitsaanagerusumik misissueqqissaarnissamat tunngavissiiinissaaq (ARTEK-imi ilinniartut timmisartumik ilummukaanqarnikuupput, tamannalu akisungaatsiarluni
3. nunaannakkut aqqummi takornarialerinerimik, aalisakkanik qalerualinnillu nutaanik ATV-nik, UTV-nik Umimoq-inik, Mountainbike-inik allanillu assartuinerimik aallartitsineq

Allatut oqaatigalugu, nunaannakkut aqqusineq, aqqusinivillu allaffeqarfiup ilalerlugulu ilalinngilaa. Nunaannakkut aqut siulliuteriarlugu, aqqusinivik tulliuqqarumaarpoq. Taanna imaluunniunngitsoq. Nunaannakkut aqutip imaluunniit aqqusinivissap piviusunngortinneqarnissaa toqqarneqassanersooq pineqanngilaq. Aqqusinivimmut aningaasaliissutit pigineqareeraluarpata, soorunalimi pilersinneqassagaluarpoq, ukiunili 13-inngortuni tamanna suli anguneqanngilaq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigaa akuereqqullugu,

-allaffeqarfiup innersuussutai itigartitsissutigineqassasut

Aalajangiineq

Ilanngussaq

1. 2016-imi apriilip 28-ani kommunalbestyrelsip ataatsimiinneranit imaqarniliaq, imm. 10
2. Sisimiut Kangerlussuullu akornanni aqqusineq – inuiaqatigiit aningaasaqarnerinut kinguneqaataasinnaasut
3. Sisimiut Kangerlussuullu akornanni aqqusinniassap avatangiisinut sunniutaasinnaasunik nassuiaaneq – eqikkaanerugallartoq
4. Norge-mi Rambøll-ip imeqarfiup killeqarfia aqquserngillu pillugit 2016-imi novembarip qulingani saqqummiussaa

Imm. 10 Kangerlussuarmi nutaamik umiarsualivittaarnissaq pillugu kommunimi pilersaarusiornermut tapiliussassatut siunnersuut

Journalnr. 24.01.00

Tunuliaqutaq

Pilersaarusiornermi periusissiaq naapertorlugu, Kangerlussuarmi umiarsualivissap inissisimavissaata aalajangiiffigineqarnissaa pillugu allaffeqarfik ukiorpaalunngortuni suliaqarnikuuvoq. Prammersuit angallatillu assartuutit atortariaarullugit umiarsualivik umiarsuit taliffigisinnaasaat, usingiarfigisinnaasaat, ilaasullu niuffigalugulu ikiffigisinnaasaat.

Maleruagassatigut tunngavigisat

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma

Pilersaarusiorneq aamma nunaminertat atorneqartarneri pillugit Inatsisartut inatsisaata allannngortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarussiaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa)

Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq naapertorlugit kommunip pilersaarusiorfigineqarneranut tapiliussassatut siunnersuut suliarineqarpoq

Pissutsit atuuttut

Eqaatsumik nassiussalerinissamut, ilaasunillu assartuinissamut massakkut umiarsualivik annertuumik killeqartitsivoq. Sissap tungaanut ingerlavissaq qanoq pisoqanngitsoq sioqqertarpoq (kinnerit ujarannguuttartut), ukiullu arlaqanngitsut ingerlanerini itisilerneqartarneratigut umiatsiaaqqanut, prammersuarnut containerinik usisunut, ilaasunillu ikaartaatinut ingerlavissaa attatiinnarneqarsinnaasarluni, tamannalu annertuumik aningaasartuutaasarluni.

Siunnersuutitigut siunnersuutigineqarpoq, umiarsualivissaq kujammuk-kimmuk 10 km-it missaannik ungasitsigisumi Hancock Pynt-ip kitaatunginnguani, qeqertap eqqaani sanaartorneqassasoq, taamaalillunilu ilaatigut kangerlup itineraata (2-250 meter) eqqaani sanaartorneqarnissaa, umiarsualiviullu nunataani ilitsiviliortoqarsinnaanissaa, massakkullu umiarsualiviup ikkalisarneratigut ikkalinissaanut ukiorpasuarni (100) atasinnaanissaa qulakkeerneqassalluni. Sermersuarmit kinnerit qanoq sukkatigisumik ajornartorsiortitsilersinnaanersut misissorniarneqarnikuuvoq, ilisimatusarnermiillu inernerit suli saqqummiunneqarnikuunngillat. Taamaakkaluartoq sermersuup aattorerulernerata malitsigisaanik kinnerit kuugussaasut annertusiartuinnartut uppersarnerqarsinnaavoq.

Inissisimavissaanut aqqusinniornissaq aamma akikinnerusussaammat, siunnersuutigineqartumi sanaartorneqarnissaa siunnersuutigineqarpoq. Naak, sineriak sinerlugu aqqusinniortoqassagaluarpat 10 km-iinnaasussaagaluartoq, 15 km-it missaannik takitigisumik umiarsualiviup avannaatungaani qooqqut aqqusaarlugit Kelly Ville-mit aqqusinniortoqassaaq. Sineriak sinerlugu aqqusinniortoqassagaluarpat akisunerussaaq. Avatangiisit pillugit inatsimmi allassimalluni 100

meterinik ungasitsiginissaamik aalajangersagaq unioqqutinnagu, tatsit Hunde sø, Braya sø aamma Linea sø aamma Saltsletten saneqqullugit aqqusinniortoqassaaq.

Tininnganerani umiarsuit 9,7 meterinik itsinertussusillit pulasinnaangorlugit umiarsualivik sanaartorneqassasoq siunnersuutigineqarpoq, taamaalillunilu pajuttaatit umiarsuillu takornariartaatit tamarmik tulassinnaassangatinneqarlutik. Silagitsillugu umiarsuit 230 meterit missaata tungaannut takitigisut, amerlanerilli 100 aamma 140 meterit tulassinnaassapput. Talittarfissaq 60 meteriussaaq, umiarsuarnullu takinerusunut taliffigineqarsinnaangorlugu 10 x 10 meterinik annertutigisunik marlunnik talittarfiusinnaasuliisoqassalluni. Taamaalilluni umiarsuarnut 130 meterinut iluaquteqassaaq.

Massakut umiarsualivimmi ingerlatat matuinnissaat periarfissangorlugu, ikummatissanik assartuinissamut umiarsualivimmi majorallaffiornissamut periarfissiisoqarpoq, soorlutaaq umiatsiaaqqanut talittarfeerassamik pilersitsinissamut periarfissaqartoq.

Tamatuma saniatigut umiarsuarnik takornariartaatinik sullissisussanut illuutunik pisariaqartitanik pilersitsoqarsinnaassaaq, umiarsualivimmi atortakkanut maskiinanut garage-aliortoqarsinnaassalluni. Toqqorsivissamik haalimik, umiarsualivimmi ingerlatsinermi pisariaqartitanik pilersitsisoqarnissanut periarfissaqarpoq.

Umiarsualivimmik nunatassanut atatillugu pisariaqartinneqartussanut assaasoqarnissanut qaartiterisoqarnissaanullu, siunissamilu alliliisoqarnissanut periarfissaqarpoq.

Imerk pilersuinissaq eqqarsaatigalugu tank-it atorneqarnissaat naatsorsuutigineqarpoq, taamaalillunilu Kangerlussuarmit imermik pilersorneqassalluni, imerlu mingunnikoq Kangerlussualiaanneqartassalluni. Eqqagassat taamatorluinnaq aamma isumagineqassapput. Umiarsualiviup illuutillu qullissaannut innaallagissamik pilersuinermi generatori atorneqassaaq.

Kangerlussuaq nutaamik umiarsualivittaaruni juunip aallaqqaataanit januaarip aallaqqaataata tungaanut, immaqaluunniit februaarip aallaqqaataata tungaanut umiarsuarnik tikiqqarsinnaanissaa naatsorsuutigineqarpoq. Nunaqarfinni inuutissarsiutinut nutaanut nassiussalerinissami annertuumik oqilisaataassaaq.

Avatangiisinut sunniuteqaataasinnaasunik nalilersuisoqarnissaanik avatangiisinut sunniutaannik nalilersuineq pillugu nalunaarutigut piunasaqaatit naapertorlugit umiarsualivissaq aqqusinissarlu pillugit sunniutaasinnaasut pillugit nassuiaasiortoqareerpoq. Avatangiisinut sunniuteqaataasinnaasut pillugit nassuiaatissat siunnersuut suliarineqareerpoq, umiarsualiviliornissamullu aqqusinniornissamullu avatangiisitigut unammillernartoqassangatinneqarani. Avatangiisinut sunniutaasinnaasut pillugit nassuiaat ilanngussartaluk Namminersorlutik Oqartussallu eqqartorneqareerpat kommunalbestyrelsimut saqqummiunneqariarluni, innuttaasunut tusarniutigineqassaaq. Avatangiisinut sunniutaasinnaasut pillugit nassuiaatissat siunnersuummi inerniliussat, kommunip pilersaarusiorfigineqarneranut tapiliussassat siunnersuummut ilanngunneqarput.

Nalunaarutip ilanngussaq 1 naapertorlugu, umiarsuarnut 1350 tons-inik oqimaannerusunut umiarsualiviliortoqassatillugu avatangiisinut sunniutaasinnaasut pillugit nassuiaasiortoqartussaavoq.

Atuilluartuunissakkut kingunerisinnaasai

Aningaasaqarneq eqqarsaatigalugu ukiut tallimat-arfineq-marluk ingerlanerini imminut akilereerluni umiarsualivik tassuugu atuilluartutut inissinnissaa aallaaviuvoq, matumanili umiarsuarnik takornariartaatinik ilaallutik takornarissat qanoq ingerlajumaassanersut apeqqutaavoq. Tamatuma saniatigut Kangerlussuarmi nassiussalerinermi tunngatillugu innuttaasut annertuumik sipaaruteqalertussaassapput.

Umiarsualivimmi sanaartugassat eqqarsaatigalugit atuilluartumik sanaartortoqarnissaa tunngaviussaaq.

Umiarsuit takornariartaatit amerlanerusut tikittalerlutik, takornarissallu amerlinerisigut umiarsualiveqarnikkut pissutsit ilorraap tungaanut saannerisigut aamma Kangerlussuarmi mittarfimmut sunniuteqarluni tikittartut amerlanerulissapput. Ilutigalugu Kangerlussuarmi takornarialerinermi periarfissat aamma amerlissapput.

Aningaasaqarnikkut allaffissornikkullu kingunerisinnaasai

Namminersorlutik Oqartussat umiarsualivissanut aningaasaliinissaat naatsorsuutigineqarpoq. Allaffissornikkut toqqaannartumik kinguneqassanganneqanngilaq.

Allaffeqarfiup naliliinera

Allaffeqarfiup nalilerpaa, pilersaarutitigut periarfissatut taakkartorneqartut, massakkut Kangerlussuarmi umiarsualivimmi ajornartorsiortitsisartunut iluarsissutaassasut, soorlutaaq Kangerlussuaq Mittarfik aqqusaarlugu umiarsuarnik takornariartaatinik ilaallutik takornarissat amerlinissaannut aamma tunngavissiilluassasoq.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut Kommunalbestyrelsimullu innersuussutigaa akuereqqullugu,

-Kommunip pilersaarusiordfigineqarneranut tapiliussassatut nr. 20-ssatut siunnersuut akuersissutigineqassasoq, sapaatip akunnerinilu arfineq-pingasuni tamanut tusarniutigineqarluni

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2016 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigaa akuereqqullugu,

-Kommunip pilersaarusiordfigineqarneranut tapiliussassatut nr. 20-ssatut siunnersuut akuersissutigineqassasoq, sapaatip akunnerinilu arfineq-pingasuni tamanut tusarniutigineqarluni

Aalajangiineq

Ilanngussaq

1. Kangerlussuarmi umiarsualivissaq nutaaq pillugu kommunip pilersaarusiordfigineqarneranut tapiliussassatut nr. 20-ssatut siunnersuut

Imm. 11 Itillip kujataatungaani inuilaami takornariaqartitsinissamut akuerineqarsinnaanermut kommunip pilersaarusionerqarnerani tapiliussaq nr. 28-p akuersissutigineqarnissaa

Journalnr. 16.03.03

Tunuliaqutaq

Sirius Greenland 2015-imi juulip 13-ani allagaqarluni Erfaliup nunataani inuilaamut takornariartitsisarnissamut akuerissummik Inuutissarsiornermut, Suliffeqarnermut Niuernermullu Naalackersuisoqarfimmut qinnuteqaateqarpoq.

Qinnuteqaat 2016-imi juunip 14-iani aningaasaqarnermut ataatsimiititaliamit suliarineqarpoq, tassani aalajangiunneqarluni:

Inuutissarsiornermut, Suliffeqarnermut Niuernermullu Naalackersuisoqarfimmut aammalu Sirius Greenland-imut nalunaarutigineqassasoq,

- A.** inuilaami sammisassaqartitsivimmud, kommunip pilersaarusionerqarnerani tapiliussamut siunnersuummik Qeqqata Kommuniam suliaqarniartoq
 - timmisartoq atorlugu sisorartitsinerud, angallassisulerluni sisorartitsinerud ujakkaartitsinerumullu, qaqqasiutinik cykilerititsinerud qimussertitsinerlu ilanngullugit
 - unnuisitsinerud nerisaqartitsinerumullu aamma timersuutigalugu aalisarnerud akimarpasissunud
- B.** kommunip pilersaarutaatut siunnersuut aggustimi kommunalbestyrelsimut saqqummiunneqassasoq naatsorsuutigineqartoq tamatumalu kingorna tamanut tusarniutigineqassasoq

Maleruagassatigut tunngavigisat

Pilersaarusionerq aamma nunaminertat atornerqartarnerat pillugit Inatsisartut inatsisaat nr. 17, 17. november 2010-meersoq

Sumiiffinni nunami aalajangersimasuni takornariartitsinerud akuersissuteqartarnissaq pillugu Inatsisartut inatsisaat nr. 19, 3. december 2012-meersoq

Pissutsit atuuttut

Kuunnud eqaloqarfimmut aammalu takornarialerinerud immikkut akuersissutit pillugit kommunip pilersaarusionerqarneranud tapiliussamud nr. 27-mud akuersissutaareersoq naapertorlugu, immikkoortumi kuunni eqaloqarfinni (Erfalimmi Napiarissat-inilu kuunni 4 aamma 6) marluusuni akiliisitsilluni aalisartitsinerud akuersissutinik tunniussioqarnikuuvoq, taamaattumik Erfalimmut takornarialerinerud akuersissutinik tamakkiisunik timersuutigalugu / sunngiffimmi aalisartitsinerud imalimmik suliaqartoqarsinnaalerpoq. Soorlutaaq Erfaliup nunataani unnuinertalimmik nerisitsinertalimmillu sammisassaqartitsilluni akuersissummik/kisermaassissummik tunniussisoqarsinnaangitsoq.

Sumiiffimmi eqalunniartarfik ataaseq immikkut akuersissuteqarfiunikuunngilaq. (Kuuk nr. 5 Sassannguit).

Siuliani eqqaaneqarluni Sirius Greenland-i qinnuteqaammik nassiussineranit Sirius Greenland, qinnuteqaatiminud ilassummik 2016-imi juulip 19-iani nassiussaarnikuuvoq, tassanilu takornarialeriniarnertik tulliuuttunik ilasseqarfigalugu:

- Pisunneq/qaqqasiorneq

- Kano/qajaq/kuukkut qajartorneq
- Tuttunut uumasunullu nuartanut minnerusunut tammajuitsussarsiniarneq

Tamatuma saniatigut eqalunniartarfik 3, immikkoortumi kuuk nr. 5-itut Sassannguit-nik taaneqartoq immikkut akuersissuteqarfissatut qinnuteqarfigaat.

Kommunip pilersaarusionerqarnerani tapiliussamut nr. 28-mut siunnersuut Itillip kujataani inissisimavoq aammalu 660 kvkm-itut annertutigisumik nunataqarpoq, aammalu Itillip iluani kangerlunnit aamma Kangerluarsussuarmit kiisalu Qoororsuaq Killeq qooqquni aamma Umiartortarfiata Qooruanik killeqarluni.

Periusaasoq tassaavoq, pilersaarutini pioreersut qaavisigut sammisatut kommunip pilersaarusionerqarnerani tapiliussaq pilersinneqassasoq. Taamaalilluni kuunnut eqaloqarfinnut kommunip pilersaarusionerqarnerani tapiliussaq nr. 27 pilersaarummit uannga attorneqassanngilaq, aamma illuaraqarfittut immikkoortitat 957-K21 eqqorneqassanngillat. Kommunip pilersaarusionerqarnerani tapiliussap taamaallaat takornarialerinermi sammisat pilersaarummi tuniniarneqarsinnaasutut taaneqartut aammalu pilersaarut naapertorlugu takornariartitsisinnaanermut akuerisaasutut nalunaarfigineqarnikuusut nunaminertallu iluani sullissinerminnik kisimik tuniniaasinnaatitaasut kisimik eqqugaassapput,

Inuilaami takornariaqarfimmik 500 kvm + illuaqqamut 200 kvm kiisalu illuaqqanut sammisaqarfinnut isumannaallisaanermilu atugassanut minnerusunut tallimanut pilersitsinissamut pilersaarutikkut ammaassisoqarpoq. Sanaartornerit sammisallu annertussusaat nunaminertap inuilaatut isikkoqarnera allanngortinnagu pilersaarusionerqassapput. Takornarissanut appakaannissamut isumannaatsuutitsinissamut pisariaqarfiani angallatinut puttasunik pilersitsisoqarsinnaavoq. Timersuutigalugu aalisartitsisinnaanermut akuersissutaareersuni qulaani sammisassat taaneqartut attuumassuteqassappata, qulaani taaneqartunut sanaartornissamut periarfissat matumuuna attuumalersinneqarsinnaapput.

Pilersaarutikkut erserportaag, qamuterallannut aamma ATV-it aasaanerani aqcutigisinnaasaannut aqcutinik pilersitsisoqarsinnaasoq, angalanissamut ileqqoreqqusami taakku ilanngunneqareeripata atornerqarsinnaanngorlugit.

Pilersaarut sapaatip akunnerini arfineq-pingasuni, 2016-imi septembarip 9-anit novembarip 6-iata tungaanut tamanut tusarniutigineqarpoq. Tusarniutigineqarnerani akissuteqaatit, pilersaarummut oqaaseqaataasut 13-nit tiguneqarput:

1. Aningaasaqarnermut Naalakkersuisoqartik, Nuna tamakkerlugu pilersaarusionermut immikkoortortaqarfik
2. Aalisarnermut Piniarnermullu Naalakkersuisoqarfik
3. Inuussutissarsionermut Naalakkersuisoqarfik
4. Visit Greenland
5. Sisimiuni aalisartut piniartullu peqatigiiffiat SAPP
6. Eqaluk, SAPP aamma SAAPP
7. Frederik Olsen
8. Peter Olsen
9. Hans Ole Jensen
10. Sarfannguani aamma Itillimi nunaqarfimmi aqutsisut
11. Johanne Bech
12. James – Martha Davidsen allallu

13. Leif Fontaine

Tusarniutit ataasiakkaat ilanngussatut ilanngunneqarput, soorlutaaq tusarniummut akissuteqaatinut ataasiakkaanut allaffeqarfiup oqaaseqaatai ilaatinneqartut.

Ataatsimut isigalugu tusarniummut akissuteqaatit taakku qulit immikkoortumut pingaarnernut pingasunut agguataarneqarput:

A: inatsit naapertorlugu tusarniutigineqartoq, taamaattorli inuit eqqugaasussat qanimut oqaloqatigalugit tusarniaanerup annertusineqarnissaa, kommunimilu tamarmi innuttaasunik ataatsimiisitsisoqarnissaa arlaqartunit kissaatigineqarluni

B: siunnersuut inuutissarsiutinik ineriartortitsilluaataassasoq, taamaattorli aamma takornarissat amerlissasut, tamannalu iluaqutissatut ajoqutissatullu isummerfigineqarlun

C: takornarissat amerlippata uumasut, tuttullu piaqqiortarfiit eqqugaasasut

Immikkoortut pingaarnertit taakku pingasut eqqarsaatigalugit allaffeqarfik tulliuttunik oqaaseqaatissaqarpoq:

- A. Allaffeqarfiup nalinginnaasumik inatsit naapertorlugu, tusagassiutigullu saqqummiussinikkut kommunip pilersaarusiorneqarneranut tapiliussassat tusarniutigisarpai. Suliamut matumunnga atatillugu aamma Itillimi tallimanik peqataasoqartoq, Sisimiunilu 40-t missaannik peqataasoqartoq innuttaasunik ataatsimiisitsilluni. Tamanna inatsisitigut piumasaqaataanngilaq. Piumasaqaatit saniatigut qanoq annertutigisumik tusarniaasoqassanersoq, innuttaasullu qanoq annertutigisumik peqataatinneqassanersut politikkikkut aalajangigassaavoq. Ataatsimiinnernut assigiinngitsunut allaffeqarfik peqataalluni, kommunip pilersaarusiorneqarneranut tapiliussassanik paasisstissiilluni eqqartuisarpoq. Taamaakkaluartoq kikkut saaffissaanersut tamatigut ajornaatsuinnaaneq ajorpoq, kisianni soorunalimi kommunip pilersaarusiorneqarneranut tapiliussassatut siunnersuummik ujartuisumut allaffeqarfik nassitsisararluni. Kommunimi illoqarfinni nunaqarfinnilu tamani innuttaasunik ataatsimiisitsissagaanni akisoorujussuussaaq, taamaattumillu ukiut sisamakkaarlugit pilersaarusiornermi periusissiap nutarterneqartarnerani nalinginnaasunik innuttaasunik ataatsimiisitsisoqartarluni. 2010-mit 2014 tikillugu pilersaarusiornermut periusissiami aamma 2014-imit 2018 tikillugu pilersaarusiornermi periusissiami ersarilluinartumik allassimavoq, takornarialerinermit kommuni immikkut akuersissuteqartalernissani siunertarigaa. Taamaalluni illoqarfinni nunaqarfinnilu tamani immikkut innuttaasunik ataatsimiisitsisoqanngikkaluartoq qissattarluni eqalunniartitsisarneq, tammajuitsussarsisitsiniarlunilu piniariartitsisarneq pillugu takornarialerinermit immikkut akuersissuteqartarnissaq pillugu kommunip pilersaarusiorneqarnerani tapiliussaq akuersissutigineqarnikuuvoq.
- B. Takornarialerinermit immikkut akuersissuteqartarnissami, takornarialerisut nakkutigineqarlutik inuutissarsiutit ineriartortinneqarnissaat siunertaavoq. Sumiiffinni kikkut takornarialerinermit pisortat ilisimavaat, taavalu avatangiisitigut suliniutissanik, najugaqavissut sulisorineqarnissaannik, nalinginnaasumik ineriartortitsinissamik piumasaqaataasut naammassineqanngippata, takornarialerisut immikkut akuersissutaatit annaasinnaavaat. Pingaartumik sisorariartitsilluni takornarialerinermit, Qeqqata Kommuniani nunatani soqutiginarluinnartuni innuttaasunut Qeqqata Kommunianullu atorfinnik pilersitsiviunani aningaasatigullu isaatitsissutaanani amerliartuinnartut avataanit takornarissanik angallassisoqartarput. Immikkut akuersissuteqartarnissami inatsisitigut tamassuma nakkutigisaalernissaa, najugaqavissunullu iluaqutaalernissaa siunertaavoq. Kalaallit Nunaanni takornarialerinerup pitsaasumik ineriartornerata malitsigisaanik, nunap

immikkoortortai takornariaqarfiusarsimangitsut aamma isiginiarneqalerput. Tamanna innuttaasunit arlaqartunit ajornartorsiutitut isigineqarpoq, asimimi kisimiittarneq sungiusimaneqarmat. Nunatani innuttaasut najortagaanni takornariaqartitsinaveersaarnissaq inatsisitigut periarfissaanngilaq, taamaattumik Kalaallit Nunaannut takornariartartut amerliartuinnarnerat ilutigalugu, najugaqavissut kisimik najortarsimasaralui nunatat/asiartarfiit aamma tikiqqartalerput. Oqaatigineqareersutut umiarsuit takornariartaatit/lystyachts-it amerliartuinnartut, qulimiguulik atorlugu sisorariartitsiviit ornigarneruleralluttuinnarpaat. Kalaallit Nunaannut takornarissat amerlanerulernissaat assigiinngitsunik isumaqarfigineqarpoq. Qeqqata Kommuniata kommunip takornarissat amerlanerulernissaat ukkatarineruvaa, ilaatigut Kangerlussuup eqqaani Sermersuarmut aqqusinnikut, Sisimiuni, Kangerlussuarmi Kangaamiunilu nutaanik umiarsualiviliornikkut, UNESCO-mik suliniuteqarnikkut, Sisimiut Kangerlussuullu akornanni pinngortitami aqqusinniornikkut. Aammattaaq takornarialerinnermut akuersissutit pillugit pissutsit iluarsinerisigut periarfissap malitsigissavaa nuaminertami takornarissat amerlanerulernerat, kisianni takornarissanit ataasiakkkaanit aningaasatigut isaatitsinerunissaq aammalu takornarialerisut ajunngitsunik atugaqarnissaat nakkutigineqarnissallu isumaavoq. Taamaaliornikkut aamma takornariaq ataasiungaangat avatangiisinik artukkiisarneq annikillisinneqassaaq.

- C. Illoqarfimmit tusarniaanermi akissutit annertunerusumik annilaangaatigivaat, nunaminertami ummasoqassuseq takornarissanit innarlerneqassasoq aammalu tuttuq piaqqiortarnerat sunnerneqassasoq. Allaffeqarfiulli isumagerpiannngilaq, nunaminertami akuersissutinik tunniussaqaarnerup malitsigissagaa, takornarissat amerlanerullutik nunaminertap timaatungaanut angalasarnissaat, ingammillu tuttuq piaqqiorfiinut. Inatsiliorneq tamaatsillugu aamma taamaaginnassaaq, aamma takornarissat Kalaallit Nunaannut tikittartut amerliartortillugit. Siunissami akuersissutinik pigisaqalersussat soorunami aamma qaqqani misigisassanik tuniniaasussaapput taamaammallu nunaminertaq inuilaatut maanna nunaminertamiittunik uumasorpasuarnik misigisaqarfiunissaa soqutigisarissallugu. Kommuni aamma pinngortitatta ajorseriartinnissaanut siunertaqanngilaq, taamaallaalli pinngortitarsuatta takornarissanit takuneqarnissaa.

Allaffeqarfiup siunnersuutiginiarpaa, akuersissuteqarnissamut atugassarititaasuni innuttaasut akuutinneqarnissaminnik kissaataat ilaatinniarlugit, akuersissummik pigisaqartup nunaminertami takornarialerineq aqqissuuttassagaa, taamaalilluni nunaminertani sunnertiasuni aammalu ingammik tuttuq piaqqiorfiini takornarissat angalasarnissaat pinngitsoortinniarlugi, takornarialerinnermut akuersissuteqarnissamut suliariumannittussarsiuussinnermi atortussani piumasaqaatitut allattariaqartoq, akuersissummik pigisaqartoq aalisarnermut piniarnermullu aammalu pinngortitami pissutsinik ilisimaqarluartumik suleqateqassasoq. Suliaqarfissap piffissai annerpaamik ukiup ataatsip iluani pilersarusiornissaat, taamaalilluni nunaminertami nujuartat eqqarsaatigineqarlutik Suleqatigiinni anguniagaassaaq kikkut tamarmik pissarsilluarnissaat/eqqarsaatigineqarnissaat.

Taamaalilluni akuersissutinut atugassarititaasuni oqaloqatigiiffimmik/suleqatigiiffimmik pilersitsoqarnissaa qulakkeerneqassaaq, nunaminertami pinngortitamut uumasoqassutsimullu mianerinnittumut nunaminertamik atuianermut kinguneqarluartumik piviusumillu tunngaveqarnissaaq qulakkeerneqarluni.

Suleqatigiinnermi oqallittartut makkuninnga inuttalerneqassaaq:

- Qeqqata Kommunianut aallartitaq
- Akuersissutaatilinnut aallartitaq
- Itillimi nunaqarfimmi aqutsisunit aallartitaq
- Pinngortitaleriffimmit aallartitaq

- Pinngortitamut Avatangiisinullu Naalackersuisoqarfimmit aallartitaq
- SAPP/KNAPK-mit aallartitaq
- Aalisarnermut piniarnermullu peqatigiiffiit allat nunaminertami soqutiginnittunut aallartitaq
- Immaqalu allat kommunalbestyrelsimit toqqarneqarsinnaasut

Suleqatigiit ukiup ataatsip ingerlanerani paasissavaat, suliassaqarfittut siunnersuutaasut qanoq aqqissuunneqassasut, taamaalilluni sapinngisamik annikinnerpaamik pinngortitaq sunnerneqarluni. Ilisimasat suulluunniit tigoriaannaat akuutinneqarnissaat aammalu ilisimasat taakku suliassanik aqqissuussinermi atorineqarnissaat anguniagaavoq. Suleqatigiinni sulinermut ukkatarissallugu pingaaruteqarpoq, kikkulluunniit itigartitsinnaatitaanermik pigisaqannginnissaat – nunaminertami aggersinnaanermut pisinnaatitaaffeqassaaq aamma kikkulluunniit pisinnaatitaaffeqassapput. Taakku saniatigut pilersaarummi ersarissarneqartariaqarpoq, nunaminertami qajartortitsiniarluni akuersissut taamaallaat qajartortitsinermit atuummat – nunaminertaq qajartorluni saneqqunneqarsinnaanera suli periarfissaqq tassungalu atatillugu sinerissap qeqertai tammaarsimaffittut il.il. atorineqarsinnaanerat.

Atuilluartuunissakkut kingunerisinnaasai

Akuersissutinik neqerooruteqarneq Nunatsinni takornariaqarnermut ineriartortitsinermit peqataassaaq aammalu inuutissarsiutinik aningaasaqarnikkut atuilluartunut tapertaassalluni. Ilutigitillugu takornariaqarnermut akuersissutinik neqeroorutaanikuni pingartinneqarpoq, sammisat tamarmik atuilluartuunermik tunngaveqarnissaat, tamatumani pinngortitaq ajortumik sunnerneqassanani. Taamaaliornikkut imermik mingunnikumik kuutsitsineq, eqqagassat assigisaallu aqunneqarnissaat qulakkeerneqassaaq. Nunaminertani akuersissutinik neqerooruteqarnermi sumiiffimmi najugallit akuutinneqarnissaat pingartinneqarpoq, taamaaliornikkut sumiiffimmi suliffissanik amerlanerusunik pilersitsisoqarluni.

Aningaasaqarnikkut allaffissornikkullu kingunerisinnaasai

Akunnerit 60-it missaaniittut allaffissornikkut suliffissat eqqaassanngikkanni, pilersaarummik siunnersuusiornermi Qeqqata Kommunianut toqqaannartumik aningaasaqarnikkut allaffissornikkullu kinguneqassanngilaq. Nunaminertani akuersissuteqarfiusuni atortulersuutit pilersinneqartussat, akuersissummik pigisaqartut ataasiakkaat suliniuteqarnerisigut pilersinneqassapput. Aallaavigisaq tassaavoq, takornarissanut sammisassat sumiiffinni najugalinnut suliffissanik akileraarutitigullu isaatitassanik nutaanik pilersitsinissaat.

Allaffeqarfiup naliliinera

Allaffeqarfik naliliivoq, Qeqqata Kommuniani takornariaqarnikkut ineriartortitsinermit periarfissanik atuilluarnissanut inuiaalami sammisassaqartitsivik pitsaasunik sinaakkusiissasoq. Kiisalu sammisanik annertusaanerit tulluurtuunissaat, inuilaami takornariaqartitsinermit pilersitsiniartunut takornarialerisunut sapinngisamik pitsaanerpaamik aningaasaliinissamut tunngavissat qulakkeerniarlugit.

Allaffeqarfiup innersuussutaa

Allaffeqarfiup Aningaasaqarnermut ataatsimiititaliamut kiisalu Kommunalbestyrelsimut akuerisassanngorlugu innersuussutigaa,

-Kommunip pilersaarusionerqarnerani tapiliusaaq nr. 28, siuliani taakkartorneqarlutik iluarsisutit ilanngullugit aningaasaqarnermut ataatsimiititaliamit kommunalbestyrelsimiillu inaarutaasumik

akuersissutigineqassasoq

-Akuerineqarneranit ukiup ataatsip iluani, najugaqavissut piniartarnerinut ataqqinnittumik kiisalu uumasooqassutsimut illersuisumik, illuatungaaticullu takornarialerinermit nutarterinissamik ineriartortitsinissamillu ataqqinnittumik sumiiffiup aqutsivigineqarnissaanut pilersaarusiortigineqarnissaa piumasarineqassasoq

-Kommunip pilersaarusiorteqarnera tapiliussaq nr. 28-ip inaarutaasumik akuersissutigineqarnera pillugu piaartumik avammut nalunaarutigineqassasoq

Aningaasaqarnermut ataatsimiititaliap suliamik sularinninnera

Ataatsimiititaliap novembarip 15-ani 2016 ataatsimiinnermini aalajangerpoq kommunalbestyrelsimut innersuussutigineqassasoq suliap kinguartinneqarnissaa.

Innersuussut

Aningaasaqarnermut ataatsimiititaliap kommunalbestyrelsimut innersuussutigivaa akuereqqullugu,

- Kommunip pilersaarusiorteqarnera tapiliussaq nr. 28-imut suliap kinguartinneqarnissaa

Aalajangiineq

Ilanngussaq

1. Sumiiffinni nunami aalajangersimasuni takornariatitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersoq
2. Itillip kujataatungaani inuilaami takornariaqartitsinissamut akuerineqarsinnaanermut kommunip pilersaarusiorteqarnerani tapiliussatut nr. 28-tut siunnersuut
3. Tusarniummut akissuteqaatit taakku 13-nit
4. Oqartussanut, peqatigiiffinnut, innuttaasunullu ataasiakkaanut oqaaseqaateqarsimasunut akissuteqaatit

Imm. 12 Ataatsimiititaliami ilaasortamik nutaanik sinniisussanillu toqqaaneq

Journalnr. 01.01.03

Tunuliaqutaq

Agathe Fontain, Inuit Ataqtigiit kommunalbestyrelsimi sulinngiffeqarallarnissaanut atatillugu, Inuit Ataqtigiit Partii Naleraq teknikkikkut suleqatigiissitat qinnuigineqarput, ataatsimiititalianut Agathe Fontain-ip ilaasortaaffigisimasaanut ilaasortassamik sinniisussamillu innersuussissasut.

Hans Frederik Olsen, Siumut siusinnerusukku Ilaqtariinnermut ataatsimiititaliami Gideon Lyberth-imut sinniisusimasoq, Ilaqtariinnermut ataatsimiititaliami siulittaasutut qinigaanikummat, nutaamik sinniisussamik innersuussinissaannik Siumut-suleqatigiit qinnuigineqarput.

Maleruagassatigut tunngavigisat

Kommunit aqunneqarnerat pillugu Inatsisartut inatsisaanni nr. 22, 18. november 2010-meersumi

§ 37. Imm. 1:

"piffissap qinigaaffiup ingerlanerani ataatsimiititaliami taamaaqataaniluunniit ilaasortaqtunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunanga inuttalerneqassaaq."

Pissutsit atuuttut

Agathe Fontain sulinngiffeqarallannermini Aatsitassanut Attaveqaqtigiinnermullu ataatsimiititaliami ilaasortaavoq kiisalu Inuussutissarsiutinut Suliffissaqartitsiniarnermullu ataatsimiititaliami ilaasortamut Malene Ingemann-imut sinniisuulluni. Tamanna tunngavigalugu ilaasortamik sinniisussamillu nutaamik toqqaasoqassaaq.

Ilaqtariinnermut ataatsimiititaliami Gideon Lyberth-imut sinniisussamik nutaamik toqqaasoqassaaq.

Innersuussut

Kommunalbestyrelsimut innersuussutigineqarpoq,

1. Inuit Ataqtigiit Partii Naleraq teknikkikkut suleqatigiissitat
 - a. Aatsitassanut Attaveqaqtigiinnermullu ataatsimiititaliamut ilaasortamik nutaamik toqqaassasut
 - b. Inuussutissarsiutinut Suliffissaqartitsiniarnermullu ataatsimiititaliami ilaasortamut Malene Ingemann-imut sinniisussamik nutaamik toqqaassasut
2. Siumut Ilaqtariinnermut ataatsimiititaliami ilaasortamut Gideon Lyberth-imut sinniisussamik toqqaassasut

Aalajangiineq

Ilanngussaq

1. Ataatsimiititaliat allattorsimaffiat

Imm. 13 Aningaasaqarnermut ataatsimiititaliap kommunalbestyrelsillu 2017-imi april ilanngullugu ataatsimiiffissaannut siunnersuutit

Journalnr. 01.01.01

Aningaasaqarnermut ataatsimiititaliap kommunalbestyrelsillu 2017-imi ataatsimiiffissaannut siunnersuutit.

Allamik nalunaartoqarsimatinnagu ataatsimiinnerit tamarmik nal 8:30 aallartittassapput oqarasuaatikku/videokonferenciluunniit atorlugu ingerlanneqartassallutik.

Aningaasaqarnermut ataatsimiititaliap	Kommunalbestyrelsi
14. februar	23. februar
14. marts	
18. april	27. april – 2016-imut naatsorsuutit akuerineri.

Qullersaqarfiup innersuussutaa

Ataatsimiiffisat siuliani taaneqartut, aningaasaqarnermut ataatsimiititaliamit kommunalbestyrelsimillu akuerineqassasut qullersaqarfiup innersuussutigaa.

Aningaasaqarnermut ataatsimiititaliap suliamik suliarinninnera

Ataatsimiititaliap novembarip 15-ani 2016 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigaa akuereqqullugu,

- Aningaasaqarnermut ataatsimiititaliap kommunalbestyrelsillu 2016-imi ataatsimiiffissaannut siunnersuutit

Aalajangiineq

Ilanngussaq

1. 2017-imut ullorsiutit

Imm. 14 Sisimiuni angerlarsimaffeqanngitsut

Journal nr. 44.18

Tunuliaqutaq

Sisimiuni inuit angerlarsimaffeqanngitsut qanoq amerlatiginerinik kiisalu ininik tulluortoqarnersoq pillugu kommunalbestyrelsimi ilaasortamit Hans Frederik Olsen-imit apeqquteqaat. Kommunalbestyrelsimi ilaasortap Malene Ingemann-ip Kommunitsinni angerlarsimaffeqanngitsut qassiunersut kommuni ilisimasaqarnersoq pillugu Kommunalbestyrelsimi oqaluuserisassamik 2016-imi februarip aallaqqaataani mailikkut nassiussivoq. Kommunalbestyrelsimi ilaasortaq Hans Frederik Olsen, kommunimi angerlarsimaffeqanngitsut pillugit oqaluuserisasamik 2016-imi februarip aappaani aamma nassiussivoq.

Kommunimi angerlarsimaffeqanngitsut qassiunersut kommunip ilisimanerai Malene Ingemann-imit apeequtigineqarpoq. Angerlarsimaffeqanngitsunut massakkut sila nillerpallaarpoq - siunnersuuteqartorlu paasitineqarpoq, angerlarsimaffeqanngitsut ukiukkut inuuniarnermikkut assut ajornartorsiuteqartartut, unnuamilu kialaartumiinniassagamik allatut ajornartumik unioqqutitsillutik sumiugaluarnersoq unnuisartut. Angerlarsimaffeqanngitsunut unnuisarfeqannginnisarput, imaluunniit angerlarsimaffeqanngikkaanni unnuami inuit unnuiffissaateqannginnerput ilumoorsinnaanngilaq. Parti Naleraq-miit kissaatigaarput ajornartorsiummut aaqqiissutissanik ujartuisoqassasoq. Nammineq kajumissutsimik ingerlanneqartumik immaqa ammaasqarsinnaavoq.

Ullumikkut inuit qassit angerlarsimaffeqannginnerisut (adresse-qanngitsut) misissorneqassasoq Hans Frederik Olsen-imit kissaatigineqarpoq, kiisalu Sermersuup Kommuniani Nuuk-mi Herberg-imik (angerlarsimaffeqanngitsut unnuisarfissaannik) qanoq pissarsisimanersut misissorneqassasoq. Qeqqata Kommuniani pingaartumillu Sisimiuni inuit imaluunniit illut taamatut atussallugit piukkunnartut takorloopai, tassami Namminersorlutik Oqartussat, Kommuni Ini A/S-illu suleqatigiinnerisigut Nuuk-mi Herberg piviusunngortinneqarsimammat. Uani eqqarsaatigai soorlu Tuapannguani errorsisarfikooq aammalu Qasapip illuutaa uigulukutsuniittoq, taakkulu tamarmik Namminersorlutik Oqartussat illuutigigunagaat, unnuisarfissatullu piukkunnarluinnartut.

Pissutsit atuuttut

Pineqartut ilaatigut qanoq amerlatiginersut ilaatigullu assersuutigalugu unnuiffissanut (Herberg) assingusumulluunniit periarfissaqarnersoq Ilaqutariinnermut immikkoortortami piffissami sivilulaartumi eqqartorneqarnikuupput.

2016-imi novembarip 7-iani isumaginninnikkut paasissutissat malillugit allaffeqarfimmit paasisat aallaavigalugit ima inissisimasoqarpoq. Angerlarsimaffeqanngitsut. 10.

Inuit aalajangersimasumik ineqanngitsut (sumi inissisimanersut ilisimaneqanngitsut). Inuit 13-it. Najugaqarfii ilisimaneqanngitsut. Inuit 47-it. Ilaqutariinnermut immikkoortortamiit kisitsisit annertuseqqinnissaat ilimagereerparput, ilisimagatsigu INI A/S anisitsinissamut allattorsimaffimmini nalunaarsorsimasaat amerlasuujusut. Inissiami marlunnik initalinni inuit quliniit aqqaneq-marluk tikillugit ilaatigut najugaqarsinnaasut paasineqarpoq, naak attartornissamut isumaqatigiissut malillugu inuit marluk pingasulluunniit najugaqartussaagaluartut, sinneri tassaanerupput innuttaasut INI A/S-imut akiitsoqarnertik

pissutigalugu anisitaasimasut, taakkuullutillu amerlasuutigut ikinngutiminni, nalunngisaminni ilaqtaminniluunniit najugaqartut.

Innutaasut 70-iniit 80-inut amerlassusillit inissarsiteqqinnissaannik suliaq annertuseriataarsinnaavoq, siullertut angerlarsimaffeqanngivissortut quini, majuartarfeqarfanni illut naqqini il.il. najugaqartuusut salliutinneqassammata. Tamanna iluarsineqapallasinnaagaluarpoq illumik ataatsimik tulluurtumik pissarsinikkut.

Suliniutit taakku ingerlanneqarnerat ilaatigut Sanningasoq Tungujortoq imaluunniit Røde Kors suleqatigalugit ingerlanneqarsinnaavoq aammalu ilaannakortumik tamakkiisumilluunniit assersuutigalugu aningaasaateqarfiit aqutigalugit aningaasalersorneqarluni.

Atuilluurtuunissakkut kingunerisinnaasai

Qeqqata Kommuniata 2020-mut atuilluurtuunissamik kiisalu inuiaqatigiinnik atasinnaasunik piujuartitsinnaasunut, Innutaasunut angerlarsimaffeerussimasunut unnuisarfiugallartussamik pilersitsineq assut ataqatigiilluarpur.

Allaffeqarfiup naliliinera

Ilaqtariinnermut Immikkoortortap nalilerpa, ukkatarineqartussaq pisariaqarlunnartuusooq, innutaasut ataasiakkaat inooriaasiisa apparneratigut inuttut ajornartorsiutinik annertuunik immaqalu atornerluisunngornermik kinguneqarsinnaammat.

Ilaqtariinnermut Immikkoortortaq qaammatini tullinguutuni oqaluuserisassanik piviusunik suliaqarniarpoq, 2016-imi decembarip 14-iani Ilaqtariinnermut ataatsimiititaliamut saqqummiunneqartussanik.

Allaffeqarfiup innersuussutaa

Ilaqtariinnermut Immikkoortortap innersuussutigaa, angerlarsimaffeqangitsunut unnuiarfissamik Herberg-imik pilersitsinissamik suliaq ingerlaqqissasoq kommunalbestyrelse-lu tamanna pillugu paasissutissiiffiqineqassasoq.

Ilaqtariinnermut ataatsimiititaliap suliamik suliarinninnera

Ataatsimiititaliap novembarip 16-ani 2016 ataatsimiinnermini innersuussut akuersissutigivaa.

Innersuussut

Ilaqtariinnermut ataatsimiititaliap kommunalbestyrelsimut innersuussutigivaa akuereqqullugu,

-paasissutissiissut tusaatissatut tiguneqassasoq

Aalajangiineq

Ilanngussaq

Soqanngilaq

Imm. 15 2016-mi pitsaassuseq pillugu atuarfiit nalunaarusiaat

Journalnr. 51.00

Tunuliaqutaq

Atuarfik pillugu Inatsisartut inatsississaattut siunnersuut nr. 15, 3. december 2012-imeersaq naapertorlugu piumasaqaatinngorpoq, pitsaassuseq pillugu ukiumoortumik nalunaarusiamik atuarfinni pisortat kommunalbestyrelsimut nassitsisalissasut. Pitsaassumik nalunaarusiorfissamik Ilinniartitaanermut Naalakkersuisoqarfiup suli saqqummiussinikuunngimmat, atuarfinni pisortanit immersorneqartussamik Qeqqata Kommunua nammineerluni immersuiffissaliornikuuvoq.

Maleruagassatigut tunngavissat

Atuarfik pillugu Inatsisartut inatsississaattut siunnersuut nr. 15, 3. December 2012-imeersaq § 49. Atuarfiup pisortaa pitsaassuseq pillugu nalunaarusiortassaaq ukiumi atuarfiusumi pineqartumi 1. oktober sioqqullugu kommunalbestyrelsimut nassiunneqartussamik.

Imm. 2. Pitsaassuseq pillugu nalunaarusiap imarisassavai ukiumi atuarfiusumi kingullermi nukarlerni akullernilu misitsinnerni angusat, angajullerni inaarutaasumik misilitsinnerni angusat, iliuusissanik pilersarusiornerit, agguaqatigiissillugu klassini atuartut amerlassusiat, piffissaq atuartitsinerit atorneqarpoq, napparsimanerit pillugit naatsorsuinerit, piffissaq vikarinit atorneqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusiornerup malitseqartinnera.

Pissutsit atuuttut

Oktobarip aallaqqaataa tikitsinnagu atuarfiit pitsaassuseq pillugu nalunaarusiamik tunniussisussaanikuupput. Pitsaassutsit pillugu nalunaarusiat arfineq pingasut kommunimit tiguneqarput.

Kommuni ukioq manna kommunip atuarfiinut tamanut ataatsimoortumik pitsaassutsimik nalunaarusiorpoq, tamanna atorneqarsinnaavoq atuarfeqarfimmut aqutsinikkut sakkussatut atorneqarsinnaassalluni pingaaruteqartutigut allaffissornikkut politikikkulu ingerlatsisut ataatsimut isiginnissinnaanerannik pilersitsissammat. Pitsaassutsimik nalunaarusiaq taanna atuarfiit nammineq pitsaassutsimik nalunaarusiaat ilanngullugu kommunip nittartagaatigut saqqummiunneqarsinnaapput.

Pitsaassutsimik nalunaarusiat aallaaviussapput kommunalbestyrelsip atuarfinnik nakkutiginninneranik. Taamaattumik pitsaassutsinik nalunaarusiat kommunalbestyrelsip ukiumoortumik nakkutilliilluni pulaarnerani atorneqassapput aammalu atuarfiip siulersuisuisa UKFU-lu akunnerminni oqallisiginninnerannik (attaveqatigiinnermut- nakkutilliinissamullu pilersaarut naapertorlugu).

Allaffeqarfiup naliliinera

Atuarfeqarfiup inerisarnera pillugu oqallisiginninnermi ataatsimut pitsaassutsimik nalunaarusiaq atorneqartariaqarpoq.

Allaffeqarfiup innersuussutaa

Ilinniartitaanermut, Kulturimut Sunngiffimmullu ataatsimiititaliamut innersuussutigineqarpoq,

- Pitsaassuseq pillugu atuarfiit nalunaarusiaat tusaatissatut tiguneqassasut
- Pitsaassutsimik ataatsimut nalunaarusiap inerneru oqallisigissagaa
- Immikkoortoq kommunalbestyrelsimut ingerlateqqinneqassasoq

Ilinniartitaanermut, Kulturimut Sunngiffimmullu ataatsimiititaliap suliamik suliarinninnera
Ataatsimiititaliap oktobarip 31-ani 2016 ataatsimiinnermini innersuussut akuersissutigivaa.

Aningaasaqarnermut ataatsimiititaliap suliamik suliarinninnera
Ataatsimiititaliap novembarip 15-ani 2016 ataatsimiinnermini innersuussut akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

-pitsaassuseq pillugu atuarfiit nalunaarusiaat tusaatissatut tiguneqassasut

Aalajangiineq

Ilanngussat

1. Qeqqata Kommuniani atuarfeqarfinnut ataatsimut pitsaassutsimik nalunaarusiaq
2. Minngortuunnguup Atuarfianit pitsaassuseq pillugu nalunaarusiaq
3. Qinguata Atuarfianit pitsaassuseq pillugu nalunaarusiaq
4. Kangaamiut Atuarfianit pitsaassuseq pillugu nalunaarusiaq
5. Itillip Atuarfianit pitsaassuseq pillugu nalunaarusiaq
6. Sarfannguit atuarfianit pitsaassuseq pillugu nalunaarusiaq
7. Nalunnguarfiup atuarfianit pitsaassuseq pillugu nalunaarusiaq
8. Atuarfik Kilaaseqqamiit pitsaassuseq pillugu nalunaarusiaq
9. Atammiup atuarfianut pitsaassutsimut nalunaarusiaq

Imm. 16 Immikkoortortani pisortat, perorsaanikkut siunnersortit / ataqatigiissaarisut aammalu Ilinniartitaanermut Aqutsisoqarfiup Meeqquerivitsialak pillugu 2016-imi septembarip 27-aniit 30-ata tungaanut suliat pillugit ataatsimiinnerannit paasissutissiineq

Journal nr. 44.00

Tunuliaqutaq

Suliat pillugit ataatsimiinnissamut ukiut tamaasa Ilinniartitaanermut aqutsisoqarfik aggersaasarpoq, ukioq mannaluk septembarip 27-aniit 30-ata tungaanut ingerlanneqarpoq. med udgangspunkt i Inatsisartutlov nr 16 af 3december 2012.

Ukioq manna meeqqanut mappi naammassineqarpoq, sulianullu sakkussanik tullinnguuttunik imaqarluni:

- Meeqqap ineriartorneranni kiisalu ukioqanngitsuniit arfinilinnik ukiulinnut iliuusissatut pilersaarusiortarneq
- Peqqissutsimut inerikkiartornermullu atortut: Meeqqap 3-nik ukioqalernerani 5-illu ukioqalernerani Meeqqat ineriartorneranni misissuut
- Meeqquerivimmiit meeqqap mappianik atuarfimmud tunniussineq

Atortussat/suliamut sakkussat illoqarfimmut nunaqarfimnullu tamanut siammarnissaanut kommuni pisussaavoq.

Maleruagassatigut tunngavigisat

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq

Pissutsit atuuttut

Suliat pillugit ataatsimiinnermi peqataapput Ilinniartitaanermut aqutsisoqarfimmit Meeqquerivitsialak pillugu suleqatigiit, kommuninilu sisamaasunit immikkoortortani pisortat, perorsaanermilu siunnersortit/ataqatigiissaarisut. Kommuniniit taakkuusuniit meeqquerivinniit marluk peqataapput.

Ullut siulliit 27 aamma 28 septembari, "Meeqqap Ineriartornermini Inissisimaffianut Misissuut " pillugu ilimagisat, oqaluttuassartaa siunertallu, naalisarlugu MIIM ingerlanneqarput. Meeqqap peqqissusiat inerikkiartornerallu pillugit peqataasut tamarmik eqitsisinik immersueqquneqarput, meeqquerivinninngaanniillu marluk meeqqanik nakkutiginnissimallutik.

Suleqatigiit tamarmik sakkussat qanoq atorpeqartarnissaanut paasisaqarnissaat anguniarlugu, atortussat suleqatigiikkaanit misissuataarneqarput.

Peqqissutsimut ineriartornermullu misissuinerimi sakkussaq MIIM elektroniskiusaasq, aammali nammineq imersuinissaq periarfissaassalluni. Nunatsinni nunaqarfiit ilaat internettimut periarfissaqanngillat.

Meeqqap ineriartornerani pissutsit, misissuinerit assilinqarnerinik, nuna tamakkerlugu meeqqat ineriartornerat pillugu ilisimatusarnermi ilisimatusarnermut atugassat assilinerinik Ilinniartitaanermut aqutsisoqarfik pissaaq.

Taanna Ilinniartitaanermut aqutsisoqarfimmit aallartinneqarnikuusooq ilisimatusarnikkut misissuineruvoq, eqitsit immersugassaq ataasiaannarluni nassiunneqartussaavoq.

Ulluni septembarip 29-ani 30-ani Ilinniartitaanermut aqutsisoqarfimmi atorfilittat kommuninilu sisamaasuni immikkoortortani pisortat peqataapput.

Kommunikkaartumik ukiunilu kingullerni tallimani Inerisaavimmik maannakkut Ilinniartitaanermut aqutsisoqarfimmik suleqatigiissimanermut killiffimmik saqqummiisoqarpoq.

Ukiuni kingullerni tallimani Meeqquerivitsialammi Tunngaviit arfineq-marluk, pikkorissarnerit, sulisunik ilitersuinerit illoqarfinni nunaqarfinnilu eqqunneqarnikuupput . Ukioq manna meeqqat oqaasiinik Meeqqanullu mappenik misissuineq aallartinneqarpoq.

Ukiuni tallimani tulliuuttuni kommunit sisamaasut Ilinniartitaanermullu aqutsisoqarfiup suleqatigiissutigisinnaasaannut siunnersuutiniq saqqummiisoqarpoq.

- Suliniut meeraaqqerivik
- Ilinniartitaanermut aqutsisoqarfiup nittartagaa nutarterneqassaaq
- MIIM nuna tamakkerlugu meeqqeriveqarfinni tamani atuutilersinneqassaaq
- Perorsaanermi aqutsisunik ilinniartitseqqiineq ukkatarineqassaaq
- Suli atualinngitsunut inatsit malillugu kommunit sulinersut Ilinniartitaanermut aqutsisoqarfik Nakkutilliissaaq.
- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq nalilersorneqassaaq/nutarterneqassaaq.

Ilinniartitaanermut aqutsisoqarfimmi Meeqquerivitsialammut suleqatigiit kommunini Tunngaviit 2 - 3 pikkorissaatigissavaat.

Paaqqinnittarfinni tamani Tunngaviit atuutilersinneqarnissaat ukiuni pingasuni sisamani sivissuseqassasoq naatsorsuutigineqarpoq.

Atuilluartuunissakkut kingunerisinnaasai

Atuilluartuunikkut kingunerissavaa, Meeqqap mappia taassumalu imarisaa nuna tamakkerlugu illoqarfinni nunaqarfinnilu assigiillassoq, tamannalu meeqqat pingasuniik ukiullit tallimanillu ukiullit ineriartornerinik ataatsimoornerusumik, pitsaaneruserumillu assilissamik pilersitsissaaq. Meeqqap mappia meeqqerivimmiit atuarfimmut tunniunneqartassaaq, taamaalilluni meeraq meeraaqqerivimmi aallartinneraniit 3. klassinngornissaata tungaanut malinnaavigineqarluni.

Siusinnaartuumik iliuseqarnissaaq, kiisalu atuarnerup aallartinnginnerani meeqqanut ataasiakkaanut perorsaanikkut pisariaqartitanut suliniuteqartarneq pilertornerusumik ingerlanneqalersinnaalissapput.

Aningaasaqarnikkut allaffissornikkullu kingunerisinnaasai

Aningaasatigut allaffissornikkullu kinguneqanngilaq.

Allaffeqarfiup naliliinera

Allaffeqarfiup nalilerpaa, Meeqqap mappia pitsaasuusoq imarisaalu pitsaasoq atortussallu suliaalluarlutik, aammalu Meeqqanut mappi nuna tamakkerlugu illoqarfinni nunaqarfinnilu meeqqerivinni tamani atorneqassalluni. Meeqqap mappia Atuarfinnut ingerlateqqinneqartassasoq. Sakkussat nutaat, meeqqanut ataasiakkaanut attaveqaataasut akornanni aammalu kommunini ingerlatsiveqarfiit ataasiakkaat akimorlugit ataqatigiissaakkamik suleqatigiinnissamut pisariaqarput.

Allaffeqarfiup innersuussutaa

Allaffeqarfiup UKFU-mut innersuussutigaa, Meeqqap mappia pillugu paasissutissiissut tusaatissatut tiguneqassasoq aamma suliaq kommunalbestyrelsimut paasissutissatut ingerlateqqinneqassasoq

Ilinniartitaanermut, Kulturimut Sunngiffimmullu ataatsimiititaliap suliamik suliarinninnera
Ataatsimiititaliap oktoberaip 31-ani 2016 ataatsimiinnermnini innersuussut akuersissutigivaa.

Innersuussut

Ilinniartitaanermut, Kulturimut Sunngiffimmullu ataatsimiititaliap kommunalbestyrelsimut innersuussutigivaa akereqqullugu,

- Meeqqap mappia pillugu paasissutissiissut tusaatissatut tiguneqassasoq

Aalajangiineq

Ilanngussaq

1.Meeqqap mappia

Imm. 17 Kommunalbestyrelsimut ilaasortap Agathe Fontain-ip sulinngiffeqarnissaminik qinnuteqaataa

Journalnr 01.01.03

Tunuliaqutaq

Kommunalbestyrelsimut ilaasortap Agathe Fontain, 2016-imi oktobarip 27-ani maileruteqarnermigut, Naalakkersuisunut ilaasortannorgnini pillugu kommunalbestyrelsimut ilaasortaanerminik 2016-imi oktobarip 27-ani atuutilersumik sulinngiffeqarnissaminik qinnuteqarpoq.

Kommunalbestyrelsimut ilaasortaanerminut sulinngiffeqarnissamik qinnuteqarnermini, Naalakkersuisunut ilaasortaaajunnaarnissami tungaanut sulinngiffeqarnissani kissaatigaa.

Maleruagassatigut tunngavigisat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersumi § 54:

§ 54 Ilaasortap qinigaaffiup iluani kommunalbestyrelsimut tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.

Imm. 2 Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq

Imm. 3 Ilaasortap qinigaaffiup iluani kommunalbestyrelsimut ilaasortaaajunnaarpat, nammineersinnaajunnaarsitaappat imaluunniit toqkukut qimaguppat, sinniisussamit taarserneqassaaq.

Tamanna aamma atuuppoq Qinigaasinnaassuseq pillugu Ataatsimiititaliaq aalajangiippat qinigaassannortitaq qinigaq qinigaasinnaanngitsoq.

Imm. 4 Ilaasortap qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimanngikkaa, taamaalillunilu kommunalbestyrelsimut ilaasortaaajunnaarallaannassalluni qinersivimmi aalajangersimasumik najugaqaqqilernissami tungaanut

Pissutsit atuuttut

Sinniisut allattorsimaffiat naapertorlugu Inuit Ataqtigiinnit sinniisussaq siulleq Juliane Enoksen, Agathe Fontain-ip sulinngiffeqarnerani kommunalbestyrelsimut ilaasortannorginneqassaaq.

Allaffeqarfiup innersuussutaa

Kommunimi pisortaanerup, kommunalbestyrelsi sinnerlugu borgmesterimit akuereqqullugu innersuussutigaa,

-Agathe Fontain, 2016-imi oktobarip 28-anit, kommunalbestyrelsimullu qinigaaffiup matumap naanissaata tungaanut Naalakkersuisuunerani sulinngiffeqarnissaa akuersissutigineqassasoq

-Juliane Enoksen, 2016-imi oktobarip 28-anit kommunalbestyrelsimut ilaasortannungussasoq Kommunalbestyrelsi tullissaanik ataatsimiileruni ilisimatinneqassaaq

Borgmesterip aalajangiinera

Innersuussutit oktobarip 28-ani 2016 borgmesterip akuersissutigivai.

Innersuussut

Innersuussutigineqarpoq paasissutissiissut tusaatissatut tiguneqassasoq.

Ilanngussat

1. Agathe Fontain-ip 2016-imi oktobarip 27-ani mailerutaa
2. Qeqqata-mi sinniisut allattorsimaffiat

Imm. 18 Tamalaat